


Epidem. 480.



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3482/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3482/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3482/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3482/A

G XX 25



D. O.

Michael Morgenbesser.
vrat. Sil.
A. R. S. M. B. CCXXVIII. d. 1. Aug.

Legato W.

15. A. 15

28787

Payne
J. H. N.

3482

A

T

JO

LOIS

MAG

LN

T H O M A E
J O R D A N I M E-
D I C I,

L U I S N O V Æ I N M O R A V I A
E X O R T Æ D E S C R I P T I O:

ad


M A G. E T C L A R. V. D. D. J U-
L I U M A L E X A N D. T R I D E N T.

I I I. E X O R D I N E
I M P. P. P. A V G. G. G.
A R C H I A T R V M.




F R A N C O F V R T I,
A p u d A n d. W e c h e l u m.
M. D. L X X X.

ly



T. I
NEE
D.



nunc
cun
g
tan
plex
eru
qua



T. IORDANVS

MEDICUS CL. VIRO

D.D. JULIO ALEXAN-

DRINO S. D.



Uotiescunq; mentem
subit suavissima re-
cordatio dulcissimæ
conversacionis, Vien-
næ inter nos habitæ:
certæ meæ me sortis
nunc pudet, tædet, atque miseret. Nam
cúm illustrioribus Galliarum & Italiæ
gymnasiis peragratis, eô concessissem:
tanto amore benevolentiaque me com-
plexi estis, ut humanissimarũ gentium,
eruditissimorum virorum, quibus un-
quam cõvixeram, blandissimos vultus,

E P I S T O L A

in exteros raram pietatem, & mansuetudinem, multis parasangis mihi superasse videremini. Lutetiae quidem in Philosophia Adrianum Turnebum, & Iacobum Carpentarium: in medicis Goupylum & Duretum audire contigit. In Monte Pessulano Rondeletii primum, postea etiam Jouberti domestica usus sum familiaritate: Patavii, Trincavellam illum magnum, Bellacatum, atque Capivacium praecipuos habui: Bononiae, praeter Fracancianum, etiam Cardanum admirandum: Pisis, Vidum Vidium: Romae, Bartholomaeum Eustachium, docentes audiui: agris autem in visendis Hippolyto Salviano & Alexandro Petronio assecclam me praebui. Hi, pro solita sua humanitate, ingenio formando, meque erudiendo, ut nihil reliquum fecerunt, ita indole mea qualicunque delectati, nescio quid minime gregarium de me sibi promittentes, scientiae

DEDICATORIA.

sua thesauros a me absconditos esse noluerunt. Viennam cum veni, non semper auditor, sed quæ lucubrationibus aliquot annorum audita & observata recondideram, in publicum producturus, Viros Senatorios graves, Medicos principes, vereq; Imperatorios, quibus Cæs. Aug. sobolisq; Augustæ valetudo credita erat, te in primis Alexandrine clarissime, tum Cratonem, Franciscum Parthinum, quibus posthac Biesius cooptatus, emporium verè Medicum reperi: qui in suam clientelam me receptum, instituere, promoveri, & evehere nunquam destiterunt: adeo, ut cum ego illos colendo & observando, illi me ornando, par pari referremus, sui desiderium, quod optimè meriti præceptores antè mihi inflixerant, vice illorum abundè expleta, non tam aboleretur quàm leniretur. Admissus a vobis interdum ad medicas deliberationes, veluti anferem inter olo-

EPISTOLA

res obstrepentem, indulgentia & facilitate vestra patientissimè tulistis: tum, in activa medicina, si quid circa agros terrificum aut insolens contingeret, oraculum vestrum mihi perpetuò patuit, unde nunquam nò doctiorem me discessisse, neq; ut in Delphicis, ambigua responsa, sed certissima curationis praecepta semper retulisse, necessariò me fateri oportet. Nescio quo meo fato in has sum devolutus terras, ubi, licet ad vitā honestē neque illiberaliter traducendā, omnia abundē suppedientur, animus tamen suo destitutus pabulo, reciproca studiorum emulatione sublata, commercio literatorum privato, quid voluptatis residuum censes?

Steriles absque socio Musæ.

οὐν τὲ δὲ ἐρχόμενοι.

Et amant alterna Camœnæ.

um tamen vitaturus improbam
nen desidiā, ne vili torpescerem

ocio,

DEDICATORIA.

ocio, quorum specimen videras, de peste tractatus absolvi: in lucem edidi. Postea aegris totus mancipatus, circa quid ingenium exercerem, vix aliquid ἀξίον suppetebat, cum ex improviso novus hic morbus emergens, meditationi materiam suggereret.

Auctores tum mihi fuerunt viri prudentes, sacrosanctae amicitiae nexu devincti, ne, cum publico in provincia Medici munere fungerer, mea aetate, urbe domicilium mihi praebente, exortum inopinatus morbum, & quidem κομικὸς νόστος (alioqui reprehensionis crimen me vix evasurum quiritantes) intactum silentio praeterirem, sed quid de eo censerem, meam dilucidè illis aperirem sententiam. Morem gessi: historiam paucis pagellis pertexui: quibus limatulo & politulo tuo opus est iudicio: ut si quid θεὸν ἐνεστὶν ἐν τῇσι νόσοις, tuo calculo comprobares: tum quasi ἀπὸ τῆς μν-

EPISTOLA DEDICAT.

χαῖνς certissimo curandi tramite osten-
so, exemptisque tanta peste mortalibus
πρωτοδαπῶν ἀλέκτηρ ἡσῶν summo tuo
jure dici mereare. Pignus quoq; meæ
gratitudinis & observantiæ eas esse
volui: e quibus, etsi gloriæ laudique tuæ
nihil accedere poterit, nominis tamen
tui celebritate illustratæ, tui inquam no-
minis genio ceu prætextu quodam ora
plurimorum pervolitando, fortassis et-
iam alios, ut de hoc morbo novo vel com-
mententur, velejus causarum investi-
gationi sollicitiûs incumbant, sunt invi-
taturæ. Hoc, ut sincero animo profe-
ctum, tua consuetæ humanitate susci-
pias, meque paterno tuo amore prosequi
ne cesses, quàm maximè in votis habeo.
Vale. Brunna Marcomannorum,

XVIII. Octobris. Anno
M.D.LIXXX,

MAGNI-

MAGNIFICENTISSI-
MO ATQVE EXCELLEN-
TISSIMO VIRO, DOMINO
THOMÆ JORDANO, MEDICO
apud Moravos celeberrimo,
Domino & amico meo
honorandissimo.

SErius omnino, quàm putassem,
aut voluisssem, rescribo, vir præ-
stantissime. In causa fuerunt
occupationes quedam meæ, nec
satis leves. Quæ tamen tam esse
graves non potuerunt, ut doctissimum com-
mentariolum tuum, cū literis unā ad me mis-
sum non statim perlegerim, continuoq; adeoq;
etiam continuè, lectione nempe continuata e-
volverim totum, idque cum maxima inter le-
gendum voluptate, animique satisfactione.

Delectavit me mirum in modum novitas,
delectarunt doctè in primis atq; eleganter ex-
pensa atque excussa omnia, aperte quæ latere
videbantur contagionis hujus causæ, probata,
confirmataque argumentis, rationibusq; non
inanibus cuncta, edita signa, notæque allatæ.
Quæ diversum persuadere videbantur posse,

E P I S T O L A.

eadem responsionibus confutata in primis efficacibus, valdeque argumentosis, atque adeo quidem, ut quum primum inter legendum, nonnulla, ut tunc videbatur, animadversione aliqua digna occurrerent, paulum deinde progressus, responsum omnibus, objectionibusque quaecunque fieri potuissent, satisfactum ad plenum esse viderim. Itaque de hoc tibi gratulor, teque ut medicinam nostra hac tempestate ditare, indies magis magisque hoc modo, atque his semper rationibus pergas, valde hortor. Quod autem, ut innuere videris, libellum hunc nomini meo dicandum esse existima veris, id vero nequaquam facias velim, teque summopere rogatum volo, alium tibi queras, quem amicum hoc nomine facias, unde studii plus, & consilii, & favoris, & operæ, ad res promovendas tuas expectandum tibi sit. Non quin eadem ego quoque, & quidem pro veteri nostra amicitia, libentissimè præstiturus sim pro virili parte mea semper: sed senem vides jam me & invalidum, longeque gentium absum, ut exhibere me offitiosè paratum, quod res sepe requirunt ipsæ, si maximè velim, non possim. Habesque jam multorum annorum amicum me, ut non sim tibi novo aliquo offitio aut munere devinciendus. Sed is adhuc sim, qui tecum

E P I S T O L A.

cum semper fui, ac futurus in posterum sum,
quoâd vixero, hoc est, amicus ex animo, quiq;
omnia tua causa velim, moresque tuos & pro-
bitatem, amaverim & eruditionem, nunc ve-
rô etiam exosculer, ut nihil propterea frustra
jussurus sis, si qua in re tibi me, aut rebus tuis
inservire posse putas. Vale. Tridenti 17.
Febr. 1579.

Ex. T.

deditissimus,

Iulius Alexandrinus.

I
THOMÆ JORDANI
MEDICI,
LUI S NOVÆ IN MORAVIA
EXORTÆ DESCRIPTIO.

BRUNNA urbs Moraviæ
primaria, Ptolemæi com-
mētatoribus Arsicua & Ar-
sicina: ipsa veró regio, vete-
ribus Marcomannia dicta
fuit. Fatale nomen urbi inditum, vio-
lenter detorto vocis etymo, sunt qui as-
ferant: ab ardendo nimirum, quód ante
nostra secula, ante hominum inquam
memoriam, sæpissime igne conflagrave-
rit, usurpatum aiunt vocabulum: quasi
veró τὸ αἰθεῖν, αἰθαλεῖν, φλέγειν, vel τὸ καίεσθαι, in vo-
cabuli deductione aut pronuntiatione
quid habeant cognationis mutux cum
ardore seu Germanico *Brennen*.

Satius erat, missa obsoletorum voca-
bulorum curiosa disquisitione, ab irriguis
fontibus Brunnam indigitare: nisi diver-
sum comprobaverit *Brno* Boemicum,
τὸ ἀρθεῖν, πυρῶσαι, vel τὸ πυρῶσαι non prorsus dis-
crepans. Et qui agentes Henetas & Van-
dalas

dalas initio has terras possedisse, oppidis-
 que nomina imposuisse a veritate nō est
 alienum. Ortui, Meridiei & Aquiloni-
 bus exposita est. Collis editus occiden-
 tem claudit. Occiduae inquam urbis pla-
 gæ imminet mons: ejus supercilium arx
Spilmberg, Marchionum Moraviæ Re-
 gia, & Matthiæ Pannonum Regis novem
 mensium obsidione celebris olim: ignis
 inclementiam & ipsa perpeffa cœloque
 tacta, modó vetustate ruinosa, propé jam
 collapsa, occupat. Dextrum ejus latus,
 quod meridiem spectat, vinetis cinctum:
 adversum, imó toto ambitu, circumquâ-
 que, fructiferis arboribus consitum &
 hortis decorum, conspicitur. Perfla-
 tur Subsolanis, Vulturno, Nothis seu Au-
 stris, Aquilonibus, Etesijs: neque ita ar-
 duus & sublimis est mons, ut Favonios
 prorsus excludat. Inde aeris raram & mi-
 ram salubritatem metimur. Urbis re-
 gio Australis, loco editiore sacro Divi Pe-
 tri delubro, & mystarum ædibus splen-
 didior, in declive Eurum versus sese por-
 rigit, & totam urbem cum agro cōtiguo,
 uno quasi intuitu, oculis subjicit. Extrin-
 secus saxo arduo, rupe præcipiti, inaccess-

saque, procul advenientibus conspiciendam se offert. Amplis, longis, spatiosis suburbiis, ceu ramis & brachiis sese urbs undiquaque expandit, iis præter cœnobia, superbę molis & structurę (Marchionum & Moravię procerum pervetustis celebratissima monumentis) tanta reperietur olitorum copia, tanta hortorum frequentia, ut cōtinua serie quibusdam locis ad passuum M. aliquot extēdantur. Amœnitas magna, splendor nullus, quæstus uberrimus. Culinariis siquidem dapibus omnis generis esculentis, oleribus, brassica capitata (sale maceratam, scrobibus altis subterraneis defossam, sordidū alimentum in annum conservant, & caules rancidos esitant) beta utraque, spinacea, petroselino, pastinaca, sisaro, rapis, raphano, allio, cepis, porro, lactucis, feniculo, pis, ciceribus, cucumere, cucurbitis, melopeponibus, coronariis deniq; plantis adeo referti sunt, ut ceu in penu & promptuarium thesauris congestis, majori regionis parti annonam suppeditent: imo ad vicinos quoque Austrios, merces culinarias & ruris opes catervatim deportent. Arbores tam ὀρεῖον fugacium

quàm ætatem qui ferunt fructuum feras-
ces, nuspiam universa provincia copio-
siores. Abundant cerasis tam dulcibus
quàm acidis, & quæ amarenas passim di-
cunt. Pomis tam decumanis quàm nanis
& mediis: præcocibus non minus quàm
ferotinis, quemadmodum etiam piris o-
mnium saporum, mitibus & quibusdam
adeó pertinacibus, ut cum Borea certa-
mine suscepto, vix mitescant esuiq; apta
reddantur, nisi anno vertente gravidas
novo foetu arbores conspexerint, quasi
tum demum fatis cessura, cum redivivam
posteris reliquerint sobolem. *Κοκκυμήλων*
genus exiguum, a loco denominationem
fortitum (Brunnensia pruna vulgus indi-
gitat) tam suavia, palato gratissima, cum
appensa laquearibus aut soli exposita a-
quea humiditate consumta non nihil cri-
spa & corrugata fuerint, tam ciendæ al-
vo, citra ullam molestiam, congrua, ut si
spectes delicias palati, etiam ficus recen-
tes aut si quid simile aliud, facile præ iis
contemseris: dejectoria vi Cassiam &
Mannam longè a se relinquant. Eapro-
pter summopere primis mensis deside-
rata, vasculis inclusa in vicinam Sauro-

5 TH. IORD. NOVÆ
matum Cracoviam, Silesiorum Vratistla-
viam, caput Austriæ Viennam, aliaq; em-
poria, certatim cōvehuntur & cruda es-
tantur. Expetita ob eas dotes, etiam Ro-
manis Cardinalibus, hinc thecis inclusa
exiguus, per veredarios cursores missa no-
vimus: cujus inquam solutivæ facultatis
merito, Myxariis, seu Sebestenis prunu-
lis, licet facie differentissimis, accensen-
da, nonnulli statuere. Nigro & Suitta-
no amnibus alluitur: quorum ille pisco-
sus satis amplior a Septentrione: hic ab
oriēte æstivo seu solstitiali e vicinis Boie-
miæ jugis (quæ saltus Hercinii appendi-
ces dixerim) emergentes, ille Aquilona-
ri & occiduo urbis latere prætervectus:
hic Orientalem & Australem mœnium
lambens partem, nō longē ab urbe com-
miscentur, & ceu ab ampliore hic absor-
ptus, proprio nomine amisso, in illius co-
loniam & denominationem transit.
Ager frumenti, omnis generis legumi-
num & frugum Cerealium feracissimus,
dives (ut ille ait) ubere glebæ. Campi
patentes, prata virentia amœnissima, cis
& uls fluvium Nigrum. Non procul ab-
sunt colles vitibus decori, nemora, valles
irriguæ,

irriguæ, sylvæ non horridæ vel adeo densæ, sed quæ & ædium substructionibus & foco non parcam subministrent materiam. Palus nulla, aquis stagnantibus caret, nisi cum æstivis imbribus aut verno tempore nives montibus solutæ rapidos auxerint torrentes, qui raptis fluviorum marginibus tuguria segetesque abripiunt & campos latè obruunt. Sed hæc paucorum dierum calamitas. Imò cum Moravia piscinis ita scateat, ut magnatum hinc proventus emergat longè uberrimus, & propemodū affirmari possit, aquas nō multo minus quàm tellurem spaciū occupare, heic nullæ, nisi Septentriones si petas, intra miliaris spaciū sese contingentia quatuor saltem conspicias aquis limpidissimis repleta vivaria. Hinc evenit, quia solum sponte alimoniam profusissimè producit, annonamq; liberaliter suppeditat, ut gens durioribus nō exerceatur laboribus: cupediis, vino, & genio plus quàm par est, indulgent, oppiparis afluēti ferculis certatim sese invitant: dum epulantur carnibus pisces varia aromatum conditura infectos commiscendo, suam irritant ὀρεξιν: vineis co-

lendis, vini mercimonia quæstum faciunt, domi cauponariam exercent: Vivitur in diem, faginæ dediti voluptatibus cum sint obsequentes, parum juvant heredem. Agricolaë utriusque sexus, & quibus res sunt accisæ, ad temulentiam usque cerevisia sese ingurgitant, eadem locupletes mero æstuentes voluptatem explent: eduliorum duntaxat & cibarium præparationi aqua relegata: profluentem & quæ tubis advehitur in potu aspernati, puteales verò nitro pollutas accusantes, vinum & cervisiam illis substituunt: eoq; parciores in aquæ dotibus perstringendis nos esse decuit.

Topographica hæc descriptio, si cui curiosa, non hujus loci neque instituti, prorsusque ἀποσδιονύσθαι videbitur, telum acerbitalis in Hippocratem contorqueat, qui contexendis ægrorum historiis, morborum naturas pervestigaturus, suis *ἢ ἐν ἀποσδιονύσθαι* libris, non solum Thasi, Cranonis, Insularum situm accuratè depingit: cuinam mundi plagæ essent subjectæ, soles an meridianos, vel oppositos haberent, quas potarent aquas, cujusmodi leguminibus vescerentur, ad amissim describit:

ſcribit: verum etiam oppidorum Cyzici, Abderis, Lariffæ, Melibœæ, ſitum, privatas egrorū ædes, nomina, plateas, vicos, fana, vicinos quibus domus erant contiguous portus, quaſi digito commonſtrat. Legere eſt Philifeus ad murum, Silenus apud Platamonem, prope Evalcis filios habitantes. Eraſinus juxta Bootæ torrentem. Melidia prope Junonis ſacrū in Dealcis horto. Alii prope Telluris, Herculis, Dianæ, ædem: Mulier in mendaciorū foro, in litore, in ingreſſu templi Abderitani, ad Thracias portas ibidem jacentes. Obiter iſta parciffimum verborum, authorem graviffimum Hippocratem, temereq; annotaſſe quis crediderit? Nonne exordio libri de aere, locis & aquis, medicis eadem ut obſervēt præcipit? Nobisne inſolitum, ne dicam novum morbum deſcripturis oppidi delineatio tranſitoria interdici debuit? Vitæ inſtitutum & mores gentis, ſi quem pupugerint, *ἡμετέρας* eundem objicimus. Siquidem eo prætermiſſo, naturalabis, de qua paulo poſt ſumus dicturi, exacté cognosci minimé potuiſſet. Cū enim non levis in diætæ examine medico in-

*Gal. in 3. E-
pid. Com. 3.
Textu 9.*

cumbat provincia, plurimumque inter-
sit, an cives vitam sub dio, aut trepidis a-
gant in rebus, vel umbratili vitæ dediti,
vili torpeant ocio: num ingluviei manci-
pati, temperantiæ legibus profligatis, cō-
tinentiæ septa transiliverint, aut frugalē
moderatamque amplectantur vitam: ha-
bita inquam diætæ (quæ non solum in ci-
bis & potibus consistit, sed & in omnibus
aliis, ut ocio, gymnasiis, lavacris, venere,
somnia, atque omnibus quovis modo fa-
ctis in corporibus hominum) considera-
tione, tandem consequutione deducit,
an munda vel immunda, bonis inquam
succis plena, vel pravis humoribus tur-
gentia lues corpora repererit: quod
quantum ad curationem momentū ha-
beat, medicis est notissimum.

Brunnæ igitur lues, cujus historiam
pertexere instituimus, miseranda coor-
ta est: quæ licet paucos jugulaverit, eoq;
pestilentis denominatione minimè insi-
gniri debuit, insolita tamen facie, horren-
dis symptomatis, intra duorum triumve
mensium spacium, ad octoginta oppi-
danorum corripuit: suburbanorum su-
pra C. dicantur infecta, in cāpis omnia au-
xilio

xilio destituti, passim oberrantes, visuntur infiniti. E censu illorum fuere etiam Equestris ordinis viri, cives spectatæ fidei & probitatis, matronæ famæ integerrimæ, intemeratæque pudicitia virgines. Quid morbi esset, latuit initio omnes: magnus interea rumor, multa vociferatio: causarum nulla apud plebem imperitam disquisitio. Colluvies agyrtarū, quemadmodum vultures ad cadavera, spe prædæ allecta, penitioris fomitis consideratione lusq; deq; facta, cum perfunctoria indagatione nihil explorati haberent, in admirationem re conversa, aciem mentis non ultra intendentes, ἀμερόδως καὶ ἀλόγως ad temeraria & tumultuaria confugere remedia. Prior si non successit, aliam aggressi viam, calidis frigida, imbellibus & ignavioribus remediis pollentiora, etiam si ab omni arte aliena, substituendo, etiam ad deleteria progressu facto, ansam porrexere peritioribus, totum morbum, ejusq; curationem accuratiori calculo & examini subjiciendi. Tardius fortassis, eo quod prava non minus quam inveterata consuetudo adeo invaluit, ut mala quæ in conspectum veniunt, aut

oculis se produnt (ut omnes cutanei affectus) missum factis medicis, solis toribus, & id genus impostoribus, hinc delegari soleant. Fortassis etiam medicorum olim has operationes fastidientium arrogantia huic divortio occasionem dedit non exiguam. Tria iuxta urbis Brunne pomœria publica instituta sunt balnea: in quæ sordium corporis extergendarum, & cute scalpello concisa, sanguinis per cucurbitulas extrahendi gratia, certis diebus confluere nostrates solent. Eorum quod extra ludæis cognominem (aliis viridem, ab excelso turris fastigio eo colore imbuto) portam, nobilius, splendidius, etiam Baronibus & Equestris ordinis utriusque sexus frequentatum, & ædificii nitore, servulorum muliercularumque solertiore diligentia, cæteris palmam eripuit. Et quia fons, Nigro proximus (qui sat lutulentus & ater) tanquam colamentum, aut incerniculo transmissam aquam limpidiorem excipit, eaque purificatione, lotionibus congruentiorem reddit. Extant ad Spilbergi radices aliæ, ubi puteus aquam plurimo sale nitro, & lapide calchario imbutam suppeditat: eoque vi
exter-

exterioria, nitidiorem quidem redderet cutem: opinio tamen vicit, ut illis potius voluptatem non utilitatem ſectantes, lo-
turi ſeſe immergant & ibi delicientur. Il-
linc labis origo, hinc ſeminaria cōcepta,
virus inde promanavit: hauſtum ibi ve-
nenum. Nam brumæ ipſo die, quem
ſolis in Capricorni ſidus ingreſſu defini-
unt aſtrorum periti: vulgus Lucix feſto
inſignem facit: duabus inquam dierum
hebdomadis, ante ferias nativitati Salva-
toris conſecratas, hyeme aſperrima, An-
no ſalutis reparatæ 1577. quicunque hy-
pocauſtum ſive Laconicū ingreſſi ſunt,
& cutim ſcalpello adaſto, appoſitisq; cu-
curbitis perforarunt, omnes ilico corre-
pti putantur. Neque citó noxam perſen-
ſere: ſigna labis receptæ nō ſtatim emer-
ſerunt. Sunt quibus octiduum occulta-
tum malum, aliis duabus ſeptimanis, aliis
mēſtruo temporis ſpacio, pro robore ni-
mirum tam agentis (ut credere eſt) quā
renitentia paſſi, delituit: demum publicē
ſe extulit. Interim inſueta quadam igna-
via ſeu torpore gravati: pigri, ſegnes, iner-
tes ad conſueta munia obeunda, animo
quoque abjecto, triſtes vultu, cū nec

mens, neq; manus, & pedes, officium facerent, veluti umbræ non homines passim oberrantes conspiciebantur. Nativus faciei color in pallidum: vigor ipse oculorum in torvum, circulo fusco sicut mulieribus menstruatis deformem, subito immutatus: frons exporrectior in caperatam & nubilam degeneraverat. Manifestis tum se prodidit indiciis. Vestigia cucurbitularum turgescencia exemplò ardor invasit immensus & immediatecabilis, quem foedi abscessus & ulcera excepere putrida, sanie taboque fluitantia: circumcirca pustulæ, palmum quoq; latæ, achoribus floridæ, quibus dehiscen- tibus, acu aut medicamine discissis, profluxit pituita tenuis, serosa, marcida, sanieq; mucosa: aliis etiam acris & erodens: tum caro cucurbitæ ambitu circūsepta, cor- rosa, putrescens, tetrum ut e Telephiis ac phagedænicis ulceribus, invexit foetore. Vbi admiratione dignum initio, quòd e tot affixis cucurbitis, cum alii decem plus minus, tres quoque tantum nonnulli apponi jussissent, una duntaxat aut ad sum- mum duæ (socrui Laurentii sartoris, e quindecim, tres) ex iis omnibus in foedā transive-

transiverint vomica. Nonnullis univ-
sum corpus pustulis conspersum, facies
informis, triste supercilium, horrendus
vultus, dorsum, pectus, abdomen, pedes,
loci, a summo ad imum porriginosa sca-
bie, crustaceis ulcerib. supra cutem paul-
lum elevatis, duum cruciatorum num-
mum vel unguis pollicis amplitudine,
ambitu rubente, candida superficie (ut
Tineam quam barbari vocant) polluta,
& deturpata, cernere erat. Manabant
hæc quoque pingui liquore, mucore len-
to, qui non pus, sed saniem referret luri-
dam, & τῆς πρώτης ἰκελον. Imo, scabie sublata, &
sanata, maculae atræ, diversæ quàm ab im-
petiginibus aut vitiliginibus, plumbei &
fusci coloris, remanserunt. Progressu
morbi, in capite calli cōcrevere, qui sum-
mo cum dolore & ejulatu rupti vel dis-
secti, melleum quippiā, resinofum & te-
nax ceu ex coniferis arboribus laticē ex-
stillare videmus, lentum inquam & visci-
dum, marcescētis pituitæ argumentum,
exudabant. Abscessus hi sordidi, vere-
que cacoethes, postquam magna difficul-
tate expurgati, & non minore, carne rur-
sum producta, coaluissent, novum pro-

rupit symptoma. Vniverſi corporis artus, brachia, ſcapulæ, cubitus, humeri, ſuræ, tibiæ, pedes imi, puncturis quibuſdā quaſi aculeis, intenſiſſimé vellebantur, ac ſi ferris diſcinderentur, aut forcipibus ignitis laniarētur, (*ὡς ἐφ' ἑσπικῶς* ſic ægri ſenſum doloris exprimebant) potiſſimum ubi tibia maximé ex carnis lacertorum non fulca thoris a ſolo perioſtæo veſtitur. Membra pondere gravia, fulcra poſtula-
bant, ſuiſmet viribus nec ſuſtineri, neq; attolli potuerunt, imó & paralyſi quibuſdam minata ſuccollatorū beneficio erigi neceſſe habebant. Nulla tum quies, perpetua vociferatio, lacrymæ, gemitus, indefinenter torquentibus doloribus, nocte potiſſimum, cū feſſa membra ſopore dulci reſciuntur, illis noctes pervigiles, ob cruciatuum vehementiam: auro-
ra adventante inanis quædam tranquillitatis umbra aſfulſit, poſt, adeó recrudere tormenta, ut diem accuſarent inſeſtā & inimicam, noctis veró imaginem & recordationem exhorreſcerent. Noctes irrequietæ, non unius, aut paucorum dierum fuerunt, verū etiam menſem integrum, fruſtra tentatis remediis, comple-
verunt,

verunt, ut magna mentem subeat admiratio, qua ratione, unico hoc symptoma-
te, viribus fracti, lethum evadere potue-
rint. Caput quoque non fuit immune.
Nā præter achoras suprà recitatas, gum-
mata, & callos, verrucis grandibus simi-
les, doloribus vehementibus infestaba-
tur, circa regionem occipitii potissimū,
qui præter virium imbecillitatē, vigilias,
etiam dementiam quibusdam invexe-
runt, quæ vix, muco purulento, maleque
olente, per nares multos dies stillāte, mi-
tescere cœpit. Toto interim morbi de-
cursu *Ἀπόσιτοι πάντων γευμάτων διέτελον*, nec Ce-
reris neque Bacchi muneribus volupta-
tem ullam capiebant: non condimenta,
gulæ illecebræ, nulla ars, vel blanditiæ cu-
linariæ epularum illis desiderium inve-
here potuerunt. Conversationē omnem
aversabantur, contuitum hominum so-
litariam vitam captantes fugiebant, vere-
cundiāne suffusi, aut indignatione com-
moti, quod horrenda labe, nullo suo me-
rito, & spe auxilii exigua, asperfos sese
cernerent. Magno tamen hoc illis con-
stitit. Nam neque morbi ea erat natura,
ut in apricum illico se proderet, sed inti-

mis herens medullis sensim pabulum cō-
 sequutus radices agebat, viresq; depasce-
 batur: illi veró rerum omniū ignari, con-
 sili inopes, celabant tantisper, donec so-
 cios pœnarū plurimos conspicati, in me-
 dium affectibus suis propositis, mutuis
 collatis operis, communes deliberatio-
 nes instituerent. Tunc per fora, vicos,
 compita, & tabernas, de suo malo quisq;
 quiritari, & per *συνδριμὸν*, sive *συνεδρισιον* si-
 gnorum, affectus similitudine deprehen-
 sa, uno ore pariter affirmare, ex hisce bal-
 neis virus se contraxisse, cū nullum la-
 borantem offendissent, qui nō iisdem la-
 vacris deliciatus cucurbitas admoveri
 fecisset, iisdemque ad unguem affectibus
 excarnificatus fuisset. Hoc non nisi mor-
 bo jam planē confirmatō & rudi quoque
 plebeculæ manifestiore reddito. Cū
 hæc plebis coitio facta esset, pars impetu
 in Adamum balnei præsidem factō, juri
 ut se sistat, poposcit: pars curiam adit, Se-
 natum deprecatur, ut de crimine inqui-
 rat, veneficii cēsura agat. Horrendum
 morteq; piandum scelus, in civium per-
 niciē conjurasse balneatores. Tumultu
 paulisper sedato, accersitur Adamus, cū
 eo

co graviter pro enormitate facinoris expostulat Senatus, minis interjectis, planū sibi fieri vult, undenam hæc labes? cujus culpa? quid cōtagii? causam deniq; sciscitaturus illuviei insolitæ, nihil præter lacrymas, mixtis precibus, & excusationes extorquet. Sibi nihil constare, se nullius criminis aut conspirationis sibi consciū: multos annos honestē vitā hac urbe duxisse: famam integram custodivisse, balneo præfuisse, & cuicunq; pro virili parte inserviisse. Palām quidem contagium & manifestum se non inficiari: verūm originis & causæ se prorsus ignarum, & cū exortum sit summo famæ & rei familiaris suæ dispendio, ipsi examinent, quantæ foret dementiæ, suam & liberorum salutem & fortunas omnes in tantū discrimen sua sponte præcipitare. Ne nimium Senatus prudentissimus indulgeat suspicionibus, plagam divinitus potuisse immitteri, cū nulla ope humana māsuescat: aut incantatorum maleficio profectam: vel malevolorum, maleq; feriatorum hominum invidia, clanculum in suam perniciem dolos substructos, & machinatos illos esse. Daturum se omnem operam,

ut insons declaretur, causas quanta poterit diligentia perscrutaturum: ipsis verò pro sua prudentia, si quæ emendanda censuerint, vel ad penitiorem inquisitionem necessaria, ne se celatum velint, se vicissim nihil detrectaturum, etsi mille mortes ipsi forent subeundæ. Demum diris caput devoveri petit, si vel minimâ huic contagio occasionem dederit, taceam si autor ipse deprehensus fuerit. Tunc ita fuit dimissus. Tumultuatum deinde in ministrum, cui ob dexteritatem, manus inquam agilitatem & promptitudinē, delegata erat scarificationis provincia. Vulnera is inflixerat, e quibus, ceu fonte, loco omnibus conspicuo dimanabant reliqua symptomata. Hero mandatum, ut hunc examini subjiciat. Adolescens duriusculis impetitus verbis, cum in se fabâ cudi nō falsa conjectura prospiceret, carceres & tormenta quæ facinorosis adhibentur, veritus (id minitabantur Senatus cum Præfecto) in pedes se conjicit. Fuga suspicionem auxit, & in hominū mente opinionem de auctore conceptam confirmavit, a hero in ministrum transfuit: cum is, non tam quod causæ minus fide-

r,

ret, quàm terriculamentis & pœnis obstu-
pefactus, fuga maturé sibi consuleret. Se-
rió inungitur Præfecto, ut adolescētem
sistat. Hic Vratislaviam, Norimbergam,
Viennam, suis commilitonib. & balnea-
torum collegio, ut e fuga ipsum retrahāt
comprehensum, vinctum compedibus
huc transmittant, perscribit. Verúm ille
hactenus nusquam comparuit. Dein-
ceps, magicis incantationibus scalpella
& phlebotomos infectos, toxicove illi-
tos, clauitatum. Vt hæc quoque abole-
retur suspicio, balneator ferramenta o-
mnia exussit: medicas cucurbitas æreas,
quotquot habuit, confregit igniq; tradi-
dit. Ultra progressus, *πύχος διαπόρος*, testu-
dinem inquam thermarum, cui canden-
tes filices insternuntur, ut aqua aspersi va-
porem ad sudorem conciliandum edant
(Laconicum uno verbo dixere veteres)
uná cum calefactoria fornace, a funda-
mentis diruit, & novos ignitos parietes
exstruxit, si forté vapor infectus illinc e-
mergens, ansam teterrimo morbo præ-
buisset. Neque ita conquietum. Instru-
mentis igne crematis, toto hypocausto
innovato, beneficii si quid in aquis latu-

isset, puteum terfunditus exhauriri expurgarique fecit. Ne tum quidem veneni specimen, visui sese obtulit. Invaluit postea rumor, præfectum ipsum lue Veneræ fuisse non minus quam ministros suos infectum. De eo cum nihil certi potuisset affirmari, eo devētum, ut essent qui asseverarent diebus intercalaribus, quibus publica non habebantur balnea, herum lue Gallica infestatos, calefacto eo hypocausto, solitum hydrargyro inungere, & ea ratione huic contagio occasionem dedisse. Iuramento ille se purgavit apud me, nihil unquam sibi fuisse commercii cum Gallicis, artem ungendi vel curandi sibi esse incognitam, nunquam ea se usum, neque id genus medicaminis unquam pertractasse, obtestatus est. Impunè hoc illi fuit, cum adiceret, neminē e sua familia, qui lauturis assidue subministrarunt, scabie hac deturpatū, aut doloribus excruciatum fuisse: quod ægrè evasisent, si a balneo contagies cœpisset. Morb⁹ nihilo mitius ægros torquere, nequicquam remittere, usque ad Æquinoctium Vernum, Solis in Arietis signum ingressu, circa quod tempus manifestè desuisse,

desiisse, & Paschatis feriis prorsus inter-
iisse iudicatus est, eó quód deinceps nul-
lus hac labe ex integro aspersus, depre-
hensus fuerit. Vel quia iis balneis solitu-
do ingens, quovis ingressum reformidã-
te, ad alias migrationem instituerant:
paucis rusticis exceptis, qui hæc vel igno-
rabant, aut ut nugacia spernebant & de-
ridebant: vel quia Prætoris vr bani edicto
Senatus autoritate interdictum fuit Ada-
mo exercitium illud: vel, ut omnem pror-
sus a se amoveret suspicionem, quæstu
pereunte, sua spõte thermas clausit. Gna-
viter interim, irritò licet conatu, ægris o-
peram locabat: ulceribus medebatur, ap-
posito Emplastro, quod Griseum vocât,
e lapide Calaminari, lithargyro, cerusa,
Tuthia, Terebinthina, cera alba, sævo
cervino, thure, mastiche, myrrha, & cam-
phora confecta: in orbem frigidis ad fer-
vorem extinguendum circumjectis. Sca-
biei demum hieroglyphicum illud my-
sterium quod *Topffwasser* (Lac virgineũ
aut simile quid iudico) vocant, eique vim
exiccandi & escharas demoliendi effica-
cissimam tribuunt, ille vit: nihil pensi fa-
ciens, de humorum corruptela intrinse-

C

cus coercenda, ideó frustratus eventu,
aliis in locū accitis, repudiatus est. Cur-
sitatum jam sollicité: novus cū esset
morbus, novas postulabant antidotos:
cū nihil usitatum & consuetum, exoti-
ca & peregrina remedia, minimeque fa-
miliaria, sibi profutura autumabant: arti-
fices disquirebant, qui nil nisi splēdum
pollicerentur & fumos venditarent.

Pollutorum primus habitus Wen-
ceslaus Rausch institor non parvi nomi-
nis, ex adverso Curia Senatoria, supra
quadraginta natus annos, brevi statura,
corpore *εὐσάρκω*, facie rubēte, habitu qua-
drato, calidi humidique temperamenti,
sanguine exuperante. Hic balneum in-
gressus, quinque cucurbitas affigi iussit:
unam summa cervice, ad finem capitis &
occipitii: duas alias ad lumbos, utrinque,
circa renum regionem: tum utrique ge-
nui singulas adhibuit. Illæsis cæteris, sola
cervicis & sinistri lumbi, in tumorem
descivēre. Postridie, statim superior
sudaminibus, quas *ὑδαίνες* dicimus, con-
spersa, tactus indicio & domesticorum
relatu fuit. Dolor non levis. Proinde,
unde origo mali, illinc medela petita. Fa-
cile

cilē initio, nondum actis radicibus, con-
solidari potuit vulnus. Negociationis
gratia Hradisthum profectus, illinc re-
dux, non integrē liberatus, in balneum
redit, decimo quarto pōst die. Adole-
ſcentem monet, ut priore illa ſa ſubtus il-
lam loco viciniſſimo, at decliviore, aliam
παροχέτευσεως gratia affigat: Ille veró locum
non ita cavit, quin e priore veſtigio, huic
ſecundæ aliquid adderet: eamque avul-
ſurus non nihil corticis decerperet, non
exiguo dolore creato. Tunc primū
æſtu fervoreq; Tartareo exulcerari cœ-
pit, caro cucurbita comprehenſa, quæ
ſuis finibus minimē contenta, ſerpigine
quadam, guttur, fauces, cervicem, collū
denique univerſum in tumorem extulit.
Secuta pōst ulcera ſinuofa, cavernoſa, ut
ſemidigitum foramini infereres. Mat-
thias accerſitus tonſor, frigida adhibuit,
Vnguentum album, Oleum roſaceum.
Nihil octiduo auxilii contulit. Tempe-
randi fervoris gratia, ſummopere adju-
tus ſtillatio liquore Hyoſcyami Peregri-
ni floris lutei (quem Tabaccam ſœminā
vocant) ſibi a fratribus contubernii So-
cietatis Jeſu tranſmiſſo, cui linteolis im-

mersis, post ulcera fovebat frigide, iisque
collum integrum amiciendo, estum pro-
fligabat. Locus cucurbitæ inferioris
circa lumbos quoque putruit, non tam am-
plo circuitu, minore ambitu contenta pu-
tredo, minus contumax, remediis cessit,
puncturis tamen penitioribus, longè post,
assiduam creavit molestiā potius, quā
dolorem alicujus momenti. Consul-
tus Catabaptistarum Æsculapius Iohan-
nes Tenglerus, solis topicis intentus, em-
plastris exiccantibus, consolidavit vulne-
ra. Quibus ad cicatricem perductis, nova
symptomatum incubuit cohors: tergore
toto, quatrduo post, ingenti dolore per-
cussus est. Certis & quidem exiguis fini-
bus antea quod conclusum fuerat virus,
in totam spinam propagatum, totā dorsi
occupavit amplitudinem. Hinc artus,
brachia, femur petiit, a summa scapula
& coxa, ad imas manus & pedes, nervos
cōpressit, ut gressum & comprehenden-
di potestatem auferret: non levibus do-
loribus comitibus, qui atrociores noctu
erant, diurno tempore quietis usura ali-
qua recreabatur. Molestia hæc octiduū
duravit. Cum in exercitio aliquid spei po-
neret,

neret, aut potius lucri aviditate pelleret,
14. diebus ante Paschales ferias Kioviā ad
mercatum se accinxit. Illic exacerbata
omnia, nulla pedibus requies, dolor mi-
nimé fixus, vagus, modó genua, mox su-
ras, demum plantam pedis, tarsum infe-
stans, nunc hoc membrum deferens, alió
se convertit, illinc mox recurrit, & sic in-
defatigabiliter ægrū divexavit. Divum
hominum que auxilia implorantur. La-
terculo excocto novo, candenti, vinum
affudit, pedes vapore fovit: cū incaluis-
sent vehementer, oleo Juniperino inun-
xit, ut universum crus rubore summo p-
funderetur: (ϕοινίκης vel Sinapis mos dice-
res) sæpius iteravit. Irritum hoc: ita
quindecim dies huiusmodi doloribus cō-
flictatus Hunnobrodā attigit. Illic quo-
rundam medicastro-
rum consilio, corol-
las sive spiras, quibus bulbi alliorum con-
nectuntur (caudam inquam quæ supra
caput seu nucleum cū capillamentis terra
eminet) ut suspensi laquearibus exiccen-
tur, aqua decoxit, vaporem udum pedi-
bus excepit: tum etiam totū corpus pro-
luit. Aquis cū mergebatur, dolor mi-
tigatus est, se vi-
rior, labro postquam exiliit,

longé recurrit. Hinc Hlukium, ubi Cata-
 baptistæ tarso & supra malleolos, ad suræ
 latera utrinq; ad genua cucurbitas cum
 multa flamma adhibuerunt. Deinde un-
 guinibus suis delibutum reddiderunt.
 Frustra tētata omnia, tres horas visus do-
 loris expers, postea pristina recrduēre
 accidentia. Wesseliis raphani radices,
 pila tulas, saleque copioso respersas, cru-
 rum tenuis calidē circumligari iussit. Her-
 bam *Gichtkraut* (ex ægri narratione bryo-
 niam autumo) axungia suilla veteri con-
 tudit, & circumjecit. Nihil contulit. Do-
 mum reversus, carnificis operam expe-
 riri placuit, a quo medulla cruris equi &
 humani perunctus, nihilo perniciosior ad-
 cursum factus, exiguum percepit emo-
 lumentum. Tenglerus cūm fotibus varia
 herbarum farragine confarcinatis καὶ κα-
 παντλήμασι nihil proficeret, ad Vesicatoria
 conversus, cantharides utrique pedi ap-
 posuit, medio loco inter genua & malleo-
 los, ad tibiæ latera utrinq; & quatuor lo-
 cis cutem exulceravit: quam licet serofi
 humoris copiosa excretio sit subsecuta,
 parum tamen abfuit, quin phlegmone
 oboriretur, cujus præter intolerabilem dolo-

dolorem, summus rubor index erat, qui tamen quinta die remittens, ulcera quoque clausit, rubedine in pullū colorem, adhuc atris vestigiis superstitem, commutata. Ita solenni huic remedio, adhibentis inscitia & importuno usu, etiam fides abrogata est. Proinde, ut in re dubia & ancipiti animus nullo veritatis fulguris præsidio, incertis fluctuat erroribus, facilique opinionis vento huc illuc impellitur, ita Tenglerus *κράμβη* priorē recolta, ad *πελάματα* reversus, nova *ἐγκαθίσματα* variis radicibus & herbis congestis, instituit, Hippocratici oraculi immemor: Nō esse rationali Medico, priorē indicatione perseverante, contrariam curationem instituēdam, etiam si voti compos factus non fuerit. Ignarus etiam canonis, quo jubemur localibus remediis nisi antecesserint universales evacuationes, parum fidei adhibere. Eapropter pessimē hęc cesserunt: quia fortē astringentibus & repellentibus constabant. Nam ad superiora raptum perentes materiæ repulsæ, cor coarctare, suffocationis periculum, etiam syncope jam pro foribus existente, minari incipiebant. Explosum & hoc

remedium, cui suffectum balneum ex
gleba, seu glomere nidi formicarū, aqua
decocta, & filici candenti affusa, soloque
vapore prius excepto, postea pede im-
merso, & formicis ustulatis vel elixis cir-
cumligatis. Bibit decoctum radicis Pim-
pinellæ saxifragæ e rubro vino per ali-
quot dies. Attamen omnia in pejus ruê-
re. Postliminio consilium & auxilium pe-
titurus me cōvenit. Et quia multos prius
questos, plurima frustra tentata medica-
mina hinc inde audiveram, de contagio
& mali cōtumacia cogitare cœpi: & quia
circa cutem malum versabatur, viciniissi-
ma, congrua & competenti via educen-
das materias ratus, exhibito ἐκκροτωπικῶν ster-
corario medicamento Mithridatum de-
di, exploraturus ut se ad sudorifera esset
habiturus. Perægrè sudori vacabat, ta-
men lætus successu & hilaris, perrexit: tū
Mithridato permixtum succum Scordii,
Veronicæ, Scabiosæ, cum decocto Scor-
dii dilutum bibit. Biduum jusseram, octi-
duum continuavit. Sudavit quidem mo-
dicum, debilitatis simulato prætextu, ne-
que supra tres horas unquam lecto se cō-
tinuit. Perbellè habuit: inter sudandū,
pruri-

pruritus ingens pedes exercuit, falsi humoris exeuntis argumentum. Convaluisse sibi visus, itineri se cōmisit, fora, nundinas & mercatus frequentavit, aliquot hebdomadas incolumis, hinc inde vagatus, vixit. Donec nihil tale opinantē, capitis dolor gravis, & obtusus, sensus hebetes, anxietas, animus languens, sui ipsius odium vel tædium, corriperent: Caput, pectus, facies, pustulis effloruere minutulis, rubris maculis, & ἐξανθήμασι corpus univēsum conspersum, stigmata, & pulicum morsus referebant. Occupatus tum fui sesquimensē arce quadam, curatione Baronis primarii. Id temporis Æsculapius ille accurrens, reliquias errorum per adolescētiam commissorum redivivas accusans, pœnas modō luere oportere vociferatus, πάλαιον Antidotum Turbith illud Minerale ab ipsis toties decantatum, nulla præmissa humorum præparatione aut sanguinis detractiōe, exhibuit: in eo quoque vitio non caruit, quód eadem dosi, cuicumque sexui & ætati porrexerit, tam viris quàm fœminis, & virginibus tenellis, nulla victus ratione præscripta, habenas omnes diætæ la-

xavit. Vel quia noverat, faucibus & lingua in tantum tumorem elevatis, buccis inflatis & pituita turgescens, non facile quævis obvia ingeri posse: vel quia ipsorum axiomati congruit, nō diæta, sed *vi sui remedii* morbos profligari. Quod de morbo Indico illorum antesignanus profiteri palam (vinum optimum, cibos in primis conditos & bene salitos offerendo) veritus non est. Præcipitato eo pulvere, (verè Turbante, cū nullam universi corporis venulam intactam egri iudicio præterierit) in pillularum formam redacto, quadrante horæ ante cœnam quinque ciceris minoris magnitudine exhibuit, quæ paullō post tantum vomitum concitarunt, ut ad noctis medium continuis vomitionibus penè fuerit enectus. Materias alimentarias, post pituitosas demum sanguinis plurimum evomit. Postridie hora sexta matutina, una minus deglutivit: vomitus repetiti, licet & per alvum subducerentur materiæ similes. Antequam cubitum se conferret totidem: semper vomuit. Ventriculum denique tanta nausea invasit, ut quotiescunque medicus pillulas ostenderet, solo earum
con-

conspēctū ad vomitum irritaretur. Neque jam opus erat exhibitione, cū solo intuitu voti compos fieret. Quapropter triduo sequenti, una duntaxat contentus fuit quotidie. Continuae autem fuere vomitiones & alvi liquamenta. Quinq; diebus sequentibus, atram potionem, manē & hora somni, bis die proposuit. Toto curationis tempore, quæ ad duas prorogata est dierum hebdomades, semel tantū suavitatis, neque vaporario calido se continere iussus est. Incendio magno correptus, fauces, lingua turgentia, dolorem vehementem palati, & gingivarum exco-riationem invexerunt, ita ut præ mole linguæ os claudere non posset: salivatio multa, cibi deglutitio penitus sublata. Otidium totum cibo caruit. Continuis oris collutionibus usus: nona, cibi nonnihil cœpit assumere: tū, ut refert, & nephritides molestę fuerunt: Pondus ingens circa renū regionē sensit: Excreta per alvum acria, mordacia, ac si ferro intestinū discinderetur: murmura & rugitus in intestinis: dolor oberrans toto abdomine. Cū exoneratum alvum secessisset, uno impetu, quid lapidis instar (hydrargyrum

conglomeratum fuisse non dubito) ponderosum prolapsum est. Neque tantum fuit illis cerebri, ut fecibus perscrutatis de materia egesta inquirerent. Excusso tanto onere, morbo sublevatus, & unico quidem momento, deinceps ad consuetam rediit. Reliquias tamen adhuc, manibus & pedibus algore perfrigeratis, pristinorum dolorum, & nervorum excitationem, quasi corrugationem & distensionem animadvertere sese refert. & hæc quidem ad 15. Julii diem.

Adami Bernaveri Sepiasarii solertissimi conjunx Anna, calido & sicco temperamento, excarnis, raro corporis habitu, fusco colore, trigesimum sextum annum egressa, octiduo ante Lupercalia, seu dies Baccho dicatos, balneum adiit, septem cucurbitas adhiberi fecit, quæ *ἀμφοτέρω* utramque, cervicem, dorsum & genua occupaverunt. Solus dextræ scapulæ locus exulceratus. Pruritus levis, tædium, molestia potius quam dolorem totos viginti dies pertulit. Pustula medio vestigio eminebat, pisi aut orobi magnitudine: denuo in balneas concessit: totidem affixit: subtus hanc vicinissimolo-

mo loco aliam subjecit. Serpere malum
dilatariq; cœpit, ut palmum latitudo ex-
æquaret: color ruber, saturus: continuæ
ulceris penitiore recessu vellicationes: ar-
dor ingens. Mariti usa consilio bis Tria-
pharmacon emplastrum applicavit: nul-
lisque aliis præfidiis adhibitis, coaluit ci-
catrice obductum ulcus. Parasceves quæ
solennem Resurrectionis Domini festi-
vitatem præcedit, die, manuum torporē,
veluti stuporem, gravitatem & ἀναμνησίαν
initio animadvertit. Musculus δελτοειδής
cum ἀκρωτίω occupatus, manuum eleva-
tioni obstabat: pendulas vidi jam manus,
ac si paralyti correptæ ac prorsus resolu-
tæ fuissent. Emporium Linzianum, ut
varia supellectili aromataria tabernam
locupletaret, Medicamentarius adierat:
illinc reversus palam vidit, ad manus radi-
tem, carpi inquam concava, nervos tre-
mere & contrahi, ac si per spasmus ma-
nus extrema in digitos desinens, curvata
introrsum, versus cubiti & radii ossium
compagem pertraheretur. Dolores ur-
gebāt vehementissimi: somni veró prorsus
exularant. Maculæ rubræ satis amplæ,
in facie quinque: in manu dextra a carpo

ad cubitum, tres vel quatuor minores apparuerunt. Scabies nulla.

Tyrocinia artis cū Dresdæ Misniorū myropola ageret, meminerat celebres Medicos, operosam quavis Panacea certiorē, cutaneis affectib. profligādis instituisse Antidotū, quā ut conjugib. benemerenti opitularetur, confecit. Materia & compositionis ratio hæc est. ℥ ligni Indici ℔.v. Radicis Lapathi acuti ℥ iij. Myrobal. Chebul. Citrin. Indor. Emblicor. ana ℥ ij. Gran. Juniperi, Rad. Enulæ campanæ ana ℥ v. Hermodactyli, baccarum Lauri ana ℥ xv. Santalarum omnium ana ℥ j. Aristolochiæ longæ ℥ ij. Foliorum Senæ mundorum ℥ xv. Infundatur primò lignum per se in ℔.v. aquæ ferventis per 12. horas, postea coquantur blando igne, addendo cætera, recto artis ordine, ad medietatem. Stent donec refrixerint, colaturæ fervidæ & forti expressioni iterum injice Rhabarb. electi, Turbith optimi añ. ℥ ij. ḡ. v. Ell. Diacatholiconis, Cōf. Hamech ana ℥ ij. Dissol. in aquis Scabiosæ, Lupuli, Fumarię ana ℥ iij. Syrup. fumaricæ ℥ xv. de epithymo ℥ v. Bulliant leviter semel atq; iterum aromatizando cum
sp. aro-

sp. aromatici rosati 3 j. Cinamomi optimi 3 ij. Misce, fiat lege artis potio. A secundo haustu quasi exonerata coepit agilius brachia movere: tertio die elicuit sudorem, succis Scordii, cardui, Mithridato permixtis. Probé successit. Bis reiteravit Antidotum, sexta sudorificum: extra omnem teli jactum posita integreque convalescere videbatur. Dum calidis sese foveret, sudori proliciendo occuparetur, perbellé se habuit. At quamprimum in publicum prodiit, tempestate uda, Austris flantibus, glacie nivibusque diffugientibus, verna aeris inæqualitate, humoribus nimirum commotis, pristina rediviva fuere symptomata, & quidem nocturno tempore, volutationes in stratis continuæ, locus quietis nusquam repertus. Guajaci lignum hîc infame habetur: & lue polluti Venerea, convictum eorum quovis refugiente, publica notantur infamia: (haud aliter ac lepra infecti in populo Hebræo extorres reddebantur) ita ubicunque ligni mentio fit, actum feré de ægri existimatione, & bona fama videtur. In honesta, & integerimæ famæ matrona huc confugere,

prima fronte, religio fuit: ceu sacram anchoram, ad extremum, cæteris frustratentatis, in abdito asservendam censui. Horrida immaniq; scabie laborantibus aliis vicinas suaseram thermas, non quod profuturas judicarem: sed dubius animi, hac ægrorum insolentia, & in victu, contumaci negligentia, ne regulis quas in Lingni usu præscribimus & legibus se includi paterentur, (compedibus se vinciri vel pedicis constringi murmurant) consultius visum fuit, ut suo malo sapere discerent, & certum præsidii genus postea spe frustrati avidius expeterent. Hæc etiam languens unâ cum sorore thermas adire decreverat, ego verò ad curas medicas avocatus discessi. Paucis diebus interjectis Pharmacopœus ad me per literas: Consulisti, inquit, conjugi ut thermis lavaretur: at ipsa exploratum habet, ut quotiescunque labro aquæ dulcis se immerferit, dum aquis tepentibus deliciatur, dolorum sit expers: ubi pedem extulerit, ilico recurrere & infestiores fieri dolores. Suasum ipsi, ut Guajaci biberet decoctum: quocirca meo se commissurum hoc arbitrio: se petere, ut diligenter
expensis

expensis & rationum mearum momentis examinatis, eam quamprimū certior reddam, quid hac in parte fieri velim. Occasionem etiam de aliis bene merendi oblatam repudiare nolui: unicam hanc viam sanitatis recuperandę superstitem dixi: in vulgi deliri iudiciorum perplexitate, famę ipsius consultum me voluisse, veritus, ne lue nefanda correpta publicę diffamaretur. Rumore plebis spreto, & radicib. polypodii, cicoreę, herbis, fumis terrę, cardui, turionibus lupulorum, asparagis recentibus, & id genus aliis, cum passulis & senę foliis sero caprino coctis aliquot dies apozema propinatum. Communem dextri brachii secuit venam, pillulis purgata, decem & octo dies Ligni sancti bibit decoctum, canonibus consuetis observatis. Persuaderi ut prorogaret potionem, minimę potuit, vel quia desidem domi latitare non libuit, perpetuó debilitate culpata: vel quia nimium sibi blandiretur & viribus plus iusto fideret, eó quód primo protinus biduo, acu pingere, texere, aliaque muliebria exercitia domi tractare inciperet: brachia sursum attolleret, manuum-

D

que officio alacriter, doloris experts, toto
eo tempore perfungeretur. Ædibus in-
clusam fenestrarū prospectu arceri, sum-
ma erat molestiarum portio. In publicū
egressa, aere denso, pluvio, nebuloso, pro
anni tempore, tunc rerum potente, &
accuratiore victus ratione posthabita,
(cū neque vini usu penitus abstineret)
decimaquarta die recurrerunt eadē sym-
ptomata longē quā antē vehemētiora.
Turpetum illud execrandum experiri,
& præcipiti discrimine vitam negociari,
animamq; redimere placuit. Tenglerus
quindecim pillulas exhibuit devorandas
hoc ordine: quinas ante cœnam, sequēti
die manē & vesperi, totidem. A prima
sumtione vomuit multum, & quinquies
alvo deiecit: a secūda iterum, & vomuit,
& ter deiecit: post tertiam utraq; multi-
plicata virium ingentem edidere stragē.
Sputum altera statim die apparuit, ilico
lingua in tumorem conspicuum valde e-
levata, rictu diducto, fauces implevit:
palati cœlum sive fornicata capacitas,
non sufficiebat (horrendum visu) lingue
intra sua septa continendæ quin extra la-
bia prominere: occludere os aut labra
con-

conjungere nullo modo potuit. Tertia plané obmutuit, ut a nemine loquens intelligeretur, soloque nutu, animi ſenſa proferret: imó ſpiritus viis compreſſis, ſtrangulationis periculum in procinctu erat, oborta etiam magna raucedine, gutture & faucibus nimirum excoſiatis. Gargarismata illis familiaria præſcripta ex aqua ardente, quam vinum quoque ſublimatum dicunt, cui Zuccarum Candum & mellis nonnihil immiſcent, cū interea *Æſculapius* ille (ſi *Dis* placet) oblatis pillulis, per emiſſarios rem gereret, neque ad ægros poſtea unquam revertetur. Indigné hoc tulit myropola medicis rationalibus familiariffimé converſatus, e roſis, plantagine, mali corio, & ſimilibus, aqua prunellæ incoctis, ſyrupoque Myrtino & de roſis ſiccis admixtis, collutionem oris inſtituit. A cujus uſu lingua conſeſtim ſubſidere cœpit, & intra *ἕρκος τῶν ὀδόντων* ſuos inquam carceres ſeſe recepit, perpetua tamen ſalivatione ad decimumquartum, imó etiam vigefimum diem excruciatâ, quod die, illi egrediendi factâ poteſtate, ul-

tró unam adhuc adjecit hebdomadem.
Intra quod tempus omnia pessum ive-
re symptomata, & turpis macula quæ
dorsum fœdaverat, licet contumacissi-
ma, tota est abolita. Num reliquæ medi-
camenti, renes & intestina turbantis, aut
diætæ vitium, certè tribus póst septima-
nis crudelissimos dolores colicos & ne-
phríticos illi invexerunt, ut levidensia
priora quæ tulerat, si hisce compararen-
tur doloribus, asserere non vereretur.
Domicúm essem, his malis subventum
pauculis diebus. Nunc incolumis vivit
crebro usu extracti angelicæ, nisi quód
corp⁹ probè munitū esse oporteat, ut ne
flatū quidē frigidiorē admittat, cuj⁹ me-
rito etiam podagricis tentata fuit tormē-
tis. Hujus soror, ætate major, Scheit-
termanni primarii Pandochæi uxor, car-
nosa, frigidioris & humidi temperamen-
ti, una & eadem hora balneū petiit: tot-
idem cucurbitas affixit. E septem, sola,
quæ sub dextra scapula erat, vulnerata in
ulcus degeneravit. Ardor vehemens.
Caro exesa, foveam, cui articulum pri-
mum indicis digiti inseruisses (nudam
carne costam dixisses) detexit, latitudo

ut

ut quadrans taleri numismatis. Emplastra balneator diu adhibuit. At movendo cum parum promoveret, quidam nostras illius affinis emplastrum nigrum, arcanum nemini revelandum (e cerussa, mastiche, in oleo lini ad nigredinē ustulatis fortē conflatum) sæpius reiteravit: Frustra. Vlcus obduxit cortex durus, scabrie aridus, crassitie digiti cutem supereminens, qui pruritu intolerabili excitato, cum unguibus discerptus esset, subtus novo germine repullulavit iterū. Ab aromatario emplastrum de Meliloto illitum, quod escharam quidem sustulit, ea tamē paucis interjectis diebus, denuo & fœdior succrevit. Hic veró minimē prætereundum, dolores etiam antē ulcus occlusum hanc infestasse, quod plerisque non nisi vulnere consolidato evenit. Vidi eam a poplite, per suram universam, (ventrem carnis tibiæ objectum) calcaneum, talos, tibiæ apicem, solo periosteo membrana quasi tectum, dolores crudelissimos perpeti, ut ejulatus & clamores ferinos, si stragulis paulló pedem promeretur, ederet. Adeó tamen fuit perversa & præfractæ contumaciæ, ut nullum pror-

sus ore admitteret remedium: ægrè ipsi persuasi, ut serum caprinum cum Zucaro, vulgaris potus loco, ad biduum biberet. Præter dolores, qui jam corpus universum obsederant, totum præ pustulis corpus tuber erat, ut nec stare, sedere, neque ambulare jam posset: linthea pure foetido ulceribus manantibus imbuta, corpori mordicus adhærescentia, si avellerentur, cortices quidem unâ detrahebant, sed vulnera & dolores multiplicabant. Pertinacem illius animum tam horrida mala neque flectere neque frangere potuerunt, Turpetum dimidiati, ob infirmitatem (ut agyrtæ referunt) dosi accepit: quo circa nihil emolumenti consequuta, adhuc ^{ἐλκεσι βλυών}, cadaveri quàm homini similior jacet, suæque inobedientiæ meritas exolvit pœnas, cùm unctionibus & suffumigationibus Mercuris mallet rem pertentare, quàm intra corpus ullum admittere medicamentum.

Paullus Bursarius ex eadem causa sinuosis & cavernosis ulceribus dextram tibiam foedatam habuit, circa malleolos potissimum: eapropter curam temerariam

rariam aggressus est. Pillulis devoratis
causo præhensus, fenestris præ immodi-
co æstu undique referari jussis, caniculæ
ardoribus urgentibus, sanguinis copio-
sa per alvum excretionem, quam *σπόμβοι* &
atræ feces consecutæ, fame quoque cum
ob linguæ tumorem nihil alimenti pos-
set ingerere, eneatus, intra paucos dies
ejulatu & clamoribus toti viciniæ mole-
stissimus, miseré expiravit. Inopinatus
iste casus multum artificis detraxit auto-
ritati, & solenni pharmaco fidem dero-
gavit, occasionemque certior remedia
inquirendi ægris præbuit. Thomas
Brenner institor uterque cum conjugē
correpti. Illa mercedem pacta, cum de-
nas tribus ex ordine diebus assumisset
pillulas, intendi & intumescere crura in
vastam sensit molem. Vomitus p̄ mo-
re exagitata, vase testaceo excepit reje-
ctamenta, cujus parietibus circumquaq;
vidit hydrargyrū crudum adhæsisse: ilico
terrore p̄culsa, & q̄a pejus se habere ani-
madverteret, nuntiū remisit impostori,
quē cernebat pro foribus, ne spiritū olidū
admitteret, pugno nares & labia compri-
mentē, eminus inquirere, quinā valeret:

neque precibus adduci posse, ut cominus aut tãgeret, aut eam alloqueretur. Hunc nobiscum ad equorum mercatum huc se contulerunt Judæi duo. Eodem balneo inquinati, alter feriis Pentecostes extinctus; alter elephantia obductus miseram traducit vitam. Dietrici Molii filia virgo, forma egregia, puella lectissima, jam nubilus, miserandum in modum deformata, restituta quidem est Turpeto, veruntamen pustulæ nuper frontem & palpebras denuo occuparunt: quibus illi adhibent liquorem luteum, mordacitatis experte, (gummi fortassis Guajaci, quod illi a liquore & alkali separant) qui eas abolere quidem visus est, non tamen securos in universum reliquit ægros, ita ut verè se & ex toto immunes asseverare auderent: imò latet semper aliquid virulentie, quod alias repullulat: & recidivam perpetuò minatur. Fortè avaricia medicamentorum, ut semper esset quod deglubarent: vel malignitate, a deleterio medicamento nondum perdomita, novaq; semper moliente accidentia. Ut curiosis ingeniis rara, cara, quotidianaverò vilescere observamus: ita repudiato Turbante phar-

pharmaco, Evancicium duobus hinc dif-
fitum miliaribus ad balneatorem concur-
ritur. Eó primus Cerdo, póst Stendlia
anus, opulentissimi Senatoris, quadragin-
ta quinque annos conjux, demum etiam
Pandochæi uxor, profecti. Hic fabæ ma-
gnitudine electuario purgante exhibito,
deinceps perpetuo Laconico eos inclu-
sit, fumū e Cinnabari subdidit, ita tamen
ne suprà quàm vellet aut ferre posset, ur-
geret quenquam. De quo amicus ad me.
Noster Chirurgus, ditissimi illius vestra-
tis uxorem non ungit sed lavat, & dedit
illi assumendum suave, ut ipsa narrat, ec-
legma, quod ei omnes dentes labefacta-
vit. (ὑπερβολικῶς Cerdo inquebat se ordi-
ne in mensam potuisse dentes loculamē-
tis exemptos collocare) Hydrargyricum
ergo: & pro pillulis electuarium, quod
haud scio an novum sit. Hæc ille. In eo
tamen probandus est, quód diætæ leges
non omnes antiquaverit, sed hypocau-
sto inclusis aeri omni interdixerit, sudo-
res extorserit, vino tamen concessio, cæ-
tera solertem se præbuit. Egenorum for-
tis miseratus & ipse, ne ἀσύμβολος & ociosus
cladis miserandæ spectator essem, vulgo

paratu facilia & sine impendio remedia,
domesticis & indigenis constantia plan-
tis, collegi: diætā modoq; utendi præscri-
ptis, paucarum horularum laborem, Se-
natui obtuli. Præfatus hic basin curatio-
nis in sudoribus promovendis constitu-
tam: discriminis plenam per Mercurium
curadi rationem: Pulverem senæ præpa-
ratæ D. Montagnanæ præmisi: legibus
phlebotomię custoditis axillarem dextri
brachii, bubonib. absentibus, secari jussi.
Institui potionem ex decoctis radicibus,
enulæ, polypodii, angelicæ, lapathi ma-
ximi, diptami, Imperatoriæ: Herbis veró
cardui benedicti, chamæpitidis, scordii,
fumariæ, cicerbitæ, scabiosæ, veronicæ,
lupuli salictarii, phyllitidis, scolopendrię
veræ: Item floribus borraginis, lavendu-
læ, sambuci, additis Sena, corticibus ve-
ratri, cum ligno sancto, ejusque cortice.
Aliquot post assumptum decoctū diebus
e massa pillularum cochiarum cum ve-
ratro præparatarum aggregativarū, & de
hermodactylis catapotia imperavi. Post-
ea e succis scordii, cardui, fumariæ, me-
lissæ Turcicæ, veronicæ, scabiosæ exi-
guo Mithridato permistis, sudorificū ve-
hemen-

hementius institui, ut decoctionis vim sudorificam ignaviorem fortē, exstimularet: Pustulis & scabiei initio aqua stillatoria e resina larignea oleo Tartari cōdita, etiam decoctū Guajacinum erant instituta: quorū illitioni si non cessissent, subinde acriora & pollentiora, nō præterito etiam oleo atramenti lutorii aqua fragariæ vel scabiosæ diluto, succedere poterant. Numerus dierum pro affectus contumacia & egri tolerātia definitus erat, certoq; ordine cūcta ritē disposita, ut medicamentum ex officina ætati & sexui cuiusq; (ut seplasię ministri a me edocti fuerāt) accommoda, levi precio mercari etiā inopibus licuisset. In morbi ne decrementū culpā cōferas, aut q; operā meā minus gratā haberent, dubiū. Nullus mehercule ad hoc præsidii genus cōfugit præter alutariū & plostrariū quendā: cōsilia nisi manus operatio accederet supervacanea & frustranea dicētū. Quinimō tā alutarius quā redarius vehicularius fabricator, duri agrestesq; homines, sibi de perfecta curatione prius cautum voluerunt, ne artis manuariæ operis neglectis sanitati recuperandæ dum vacant, dubio eventu duplici multati dispendio inanes quoque

facerent sumtus. Equidem alutarii genu dextrum, locus inquam cucurbitæ ulceribus crustaceis, ita callo contracto obduruerat, ut æruginis, chalcæthi, neq; calcis vivæ applicatione ^{ὑπερσάρκωσις} resecari vel abradi potuerit, quæ is summo quidē cruciatu conciliato, animo tamen feroci (cujus nam usus consilio incertum) sæpe numero asperferat. Hac ratione, de meo benemerendi studio aut medicaminum successu haudquaquam mihi gloriari licuit.

Exempla hæc omnium languentium historiam complectentur. Operosum enim neque operæ precium foret, sigillatim omnes, aut nominibus duntaxat immutatis, accidentibus similibus, eadem singulis ægris recensere, cū communia omnibus fuerint, neque quid discrepans hætenus observatum fuerit. Quocirca consequens est, ut de origine & causis aliquid in medium proferamus, quæ si non cuivis ^{ἀποδεικνύει} videbuntur, cogitet in arduis rebus & voluisse abunde magnum olim habitum: munereque nostro nos perfunctos arbitrabitur, si non rationi dissona, aut vero minime

nimé congrua protulerimus, loco reli-
cto argutioribus, qui acumine ingenii pe-
nitissima pervasere naturæ penetralia, &
non tantum verisimilia, verum etiam cau-
sarum cum effectibus, vera conjunctio-
ne, mutuam colligantiam, quasi ob ocu-
los ponere, omnemque ex animo dubi-
tationem eximere poterunt. Ordo hic
erit. Dissertatio habebitur: an novus sit
morbus: si talis, in quam classem redigen-
dus: causas putatas non esse effectrices,
nec primarias, neque proximas: non par-
tes balnei integrales sive constituentes:
non filices ignitos: non vaporem fervidum
illinc elevatum: non *σινύατ* *ἀεὶ πομπέντω*, cu-
curbitam inquam attractricem: non spi-
culum cuti perfodiendæ destinatum: non
unguen quo inflicta vulnera oblinun-
tur, non denique balneo præfectum: sed
inquinamentum aliunde asportatum, le-
vibus exordiis incrementa cepisse, & cō-
tagioni prorogandæ ansam præbuisse:
ubi quædam de ortu & causis tam subli-
mibus quam proximis adjicientur. Exti-
tisse novos, ævo priore incognitos mor-
bos, præter veterum testimonia exem-
plis illustria, etiam recentiores ostendunt:

In certa veró terrarum parte, repente gi-
gni vitia insueta, illinc undique dissemi-
nari, tam certum quam quod certissimū
est. Stomacacen, & Sceletyrben Germa-
nici Cæsaris ad Rhenum castris apparui-
sse, vitium e fonte haustum, antitodum
illi a Frisus herbam Britannicam osten-
sam: veluti Mentagram Tiberii Claudii
principatu in Italiam irrepisse, Perusino
Equite ex Asia contagionem importan-
te: Carbonem, Elephātia sin, Gemursam,
certis temporibus apparuisse, jam oblite-
ratas esse, auctor est Plinius. Colicam
affectionē in Italia cœpisse, & per Impe-
rii Romani regiones pestifere luis modo
grassatam, in comitialē & paraly sin trans-
iisse (quibus affectibus medicus Italus in-
fidei & temeraria victus ratione institu-
ta, præter opinionem remedium attulit)
Paullus ab Ægina, secūdus a Galeno, me-
dicorum antistes, testatum facit. Suffra-
gium illi salva veritate ferre possum, qui
octavum vel nonū agens annum in Pan-
nodacia nostra Gregorium Wizaknii,
primum ingenii formatorem, virum in
primis eruditum, colico infestatum &
extinctum cruciatu, meminerim. No-

vus

vustum morbus, per urbē de novo morbo, nomine infausto, peregrino, nusquā audito, murmur ingēs, haud aliter ac Romæ, cūm Tiberius edicto promulgato, valetudinem incognito Coli nomine excusaret. Vidimus eum artus resolutum, calcibus petere, morfu ad se accersitos comprehendere solitū pueros, cūm alias Orbilio magis plagosus, manuum auxilio (morbo etiam impatientior redditus) se destitutum, animo angeretur. Ex eo tempore, adeo invaluit, & familiaris factus est morbus, ut populares fide digni admeretulerint, etiam recēs in lucem editos infantes, ex utero hanc luem secum attulisse, & paucis interjectis diebus, artuum beneficio destitutos, omni motu privatos fuisse. Quod minimē miror, cūm Gulielmum de Lippha Perchtoldi Marsalci filium sexennem e colico paralyticum viderimus: unde beneficio naturæ & ætatis emerfit.

Progressu ex illis regionibus facto, deinceps vicinam Pannoniam, Austriam, Moraviam, cum aliqua parte Germaniæ, ita oppressit malum, ut ingenuē affirmare possim, apud nos, e denario ægrorum

numero vix duos reperiri qui colicis non
conflictentur morbis, eorundemq; pau-
cissimi paralyfin evadant: & contumaci
huic malo profligando, colluctandū no-
bis plus esse, quā omnibus reliquis, quę
hominem infestare possunt, ægritudini-
bus. Ita ante annos plus minus triginta,
peregrinus habitus, modó endimus fa-
ctus est. In Italia certé jam dudū evanuit:
(ut verum sit, morbos oriri, durare, & de-
finere certis locis) cui rei fidem facit vel
hoc, quod neque per Gallias, vel Italiam,
præceptores nostros, publicis lectioni-
bus, colicæ in paralyfin transeuntis men-
tionem habuisse, neque lucubrationes
ipsorum literarum monumentis cōpre-
hensas, illius meminisse sciamus. Imó si
qui illinc, ut solent, medicinæ ad nos fa-
ciendæ gratia commearint, & ex impro-
viso illis occurrerit curandus hic mor-
bus, viri, aliás solidioris scientiæ & erudi-
tionis, mirum quā turpiter, antequam
ei consuescant, suam prodant inscitiam.
Solutus veterum, præter Paullum, Prin-
ceps Aboali, capite de Paralyfi, docet,
ceu per crisim, ecolo, materias in nervos
proturbari. Nisi hoc censu collocemus
Hipp.

Hipp.6. Epid. Com.4. Textu 3. ubi fluentium in articulos humorum in colum factam transmutationem asserit, eoque Arthriticum fuisse ἡσυχώτερον, ac si daretur e colo in articulos, & vice versa, materiæ transitus. Neotericorum Erastus exquisitè colicam, quo pacto in paralyfin degeneret, annotavit, cui posteritas vel eo nomine plurimum debebit.

Sudor Anglicus, violentissimo impetu ortus, κατακλυσμὸς instar, multas obruit regiones, rapidissimo cursu suam absolvens periodum, nomine solum nobis notus, dudum disparuit. Luem Indicam novum fuisse morbum, indignatione & ira Dei, merita supplicia, pœnasque nostris peccatis irrogantis, ex America in nostrum orbem translatum, qui de eo volumina congegserunt, satis superque demonstrant. Dantur itaque novi morbi, & ex pravitate humani victus, senescente seculo, omnibus inextricabili facto in pejus ruentibus, verisimile est, novos nascituros, futuris seculis, plurimos, nobis ignotos morbos. Quod etiam Procluse porticu Stoicorum asserere nō veretur, quemadmodum patrum, avorum,

E

nostra quoque memoria, plurimas artes
 de novo emeruisse, inque lucem produsse
 meminimus, quarum scientia olim mor-
 tales latuit: plures superesse, nō vana con-
 jectura, ex præteritis futura si metiemur,
 augurare licebit, quæ aliquando in poste-
 ritatis cognitionem ventura sunt: Fati sic
 volvitur ordo. Hic quem describendum
 cœpimus, licet prima facie obiter ceu per-
 transennam examinatis symptomatis no-
 vus non videatur: veruntamen impuni-
 tate a paullō antè recitatis autorib. sum-
 ta, cur novum dicere non liceat? Equi-
 dem hīc insuetus, nemini antè visus, in-
 cognitus, origine, impetu, motus celeri-
 tate, periodi sive decursus exigua dura-
 tione, & quod nullo ætatis & sexus discri-
 mine habito, quemvis impetiverit, mul-
 tis etiam peritioribus rerum naturæ per-
 scrutatoribus admirationem peperit.
 Quapropter vel novus, vel insolens his
 potissimum regionibus, ubi nihil simile
 conspectum vel observatum fuit, dici ju-
 re potuit. Quid obstat & Epidemium
 nuncupari, cū πολλοῖς ἐν ἐνὶ γέννηται χρεία, et-
 jam si absque pernicie vitæ. At quia ne-
 minem ocysimè exanimavit, pestilen-
 tis sive

tis sive το λοιμὸν (ὅτι τὸ μὴ πολλὰς ἀνείρειν) cognomen-
 tum Galenici decreti sentētia Textu secundo Comment. tertii, in 3. Epid.
 Hipp. illi minimē competit. Certē animos ægrorum occupavit suspicio, non
 nisi divinitus irrogatam labem, cū absque manifesta causa, agmina pollutorū,
 immani scabie, & fœditate, cui mors esset præferenda, novo exemplo intuerentur.
 Ad quam igitur tribum, si novus, referendus? Certā sedem olim, si emer-
 sissent, novis prisci tribuerunt. Menta-gram licheni subjecerunt: Plinii stoma-
 cacen Borealiū, totiusq; orē illius maritimæ ὀπὶ χέλιον malum Schörbuykum in-
 digitāt: Anglicus sudor inter ephemerale tales locum sortitus est. Nostri si totam
 spectes idæam vel formam, accidentia. verō accuratiori subicias calculo, lui In-
 dicæ persimilem, ita ut eundem, aut illi quā maximē affinem, non injuriā dixe-
 ris. Veruntamen quemadmodum similia non sunt eadem, ita hīc quoq; discrepantiam reperire est. Dolor capitis, sca-
 pularum, tibiarū, tergoris totius ulcera fœda, pustulæ, calli, gummata, utrisq; com-
 munia: At alopecia, seminis proflu-

vium, bubones Venerei, cariosa præputii ulcuscula (quibus solis proditur Indicus) hinc minimè conspecta fuere. Frivolus hoc dixeris, cum ad essentiæ constitutionem non necessariò omnia concurrant accidentia, ut neq; ad causam omnia effecta: dissonantiam levem apparere in materia & membro, quod contagionem primariò adeptum est, & hanc non magni momenti. Esto. Quid verò de causis? Indica, etià lues Venerea est dicta, quòd vix ullus, citra congressum Venereum, ea labe visus est aspergi: contactum obscenorum partium videtur necessariò requirere hujus constitutio: ea propter membra quæ pudor occulit, & generationi natura destinavit, primò polluta, toti postea corpori virus impertiuntur. Sunt qui e stragulis & linteorum sordidorum usu, haustum contagium (atro fortè cygnarius) affirmant, vel ut prætextum suis turpitudinibus afferant, ementiuntur, quos non multum morabimur, cum regulæ de iis quæ *ὡς ἐν τῷ πολὺ* sic se habent, tradantur. Hinc verò anus effœtas, septuagenarias, virgines pudicas, viros senatorios graves, matronas honestissimas, rusticos

sticos terra subigenda improbis durisque laboribus fatigatos, & qui cum aratro & farculis cōsenuerunt, hac ἀφορμῇ luem cōtraxisse non modó asserere, sed vel suspicari quidem ratio, experientia, pudor, & verecundia prohibent. Adde quód in balneo exordia lues cœpit, loco publico, ubi ejusmodi illecebris (ut Cynicis beluino ritu in propatulo) locus non est: neque quisquam extra balneum reperitur comprehensus. Non conjuges sese mutuó infecerunt, nō qui pietatis causa, vel obsequii debito, ministeria ægris præstabant, contagionem senferunt, ut neq; ex domestico familiarique consortio, virus adhuc aliis impactum fuerit. Verendæ & genitales partes, illic ulcusculis & callis quasi πρὸς ὁμοίᾳ infestatæ: hîc caro cucurbitæ subjacens primū ulcere putruit. Differunt itaq; nonnullis accidentibus & invasionis modo. Quibus non obstantibus, ad Indicum esse referendum vel ἀπὸ δεξιῶς nos Hippocratica δὴ λείνῃ ἱήσῃς cogit, siquidem iis cessit remediis, quibus in illius profligatione usus est. Serius cognatio illa deprehensa, cū nullus aruspīcū, vatum vel augurum etiam per somnium

ariolari potuisset, tam improvise, & inopinato, malum ignotum, in plebem universam, sæviturum fuisse. Ita clanculum radices egit, & levioribus domari deinceps cum non posset, ad *ἐξάτας δεσπείας* necessario deventum. Adde Archigenis de conferentibus argumentum. Decocto Guajaci adjuti sunt, cujus non pro morbi contumacia, ad longiorem dierum numerum usu prorogato, quid mirum, si non ex toto, & quidem radicitus extirpatus fuerit morbus? Fractæ equidem sunt ejus vires, usque adeo ut remediis succedentibus facilius posthac expugnatus fuerit. Sudores magnum attulere præsidium, qui aut Mithridato, aut succis calidioris temperamenti, expressi fuere. Etiam qui præcipitatum turbans exhibuerunt, melius ægrorum suæq; famæ consulissent, si cathartici præmissis sudoribus eliciendis sedulo vacassent. Laconico eos Evancicensis inclusit, chalybis ferrine laminas candentes, aqua aspergens fovit tantisper, ut cutis spiracula hiarèt, & suffitui Miniato iter patens corpus subeundi redderetur: quo tamē Zabrodicensis pellionem suffocavit. San

hydran

hydrargyrum unicum luis Indicæ curan-
dæ antidotum multi asserunt. Memini-
mus Rondeletium Præceptorē Barba-
rossæ celebrantem pillulas: imò severē
interminatum, ne in officinis quisquam
parari præciperet, præstare videlicet, ca-
lumniæ vitandę gratia, domi quēvis suos
in usus conficere, ægrisq; distribuere. Et-
jam ante sexdecim annos, Basiliensem
Medicum primarium harū beneficio ac-
quisitum prædicasse audivimus lucrum.
Turpetum Minerale Andernacus, volu-
minibus de veteri & nova medicina, de-
scribit, Ostrutiumq; alio nomine vocari
inquit; modū assumendi tradit, annotatis
quæ malignitatem ejus corrigere valeāt.
Pondus granis tribus, quatuor, ad sum-
mū quinq; definit, cum electuario rosa-
to vel vino generoso, pulvere margarita-
rum, electuarii diamoschu, & diambra,
ex brodio nucis muschatæ, in pillularum
figuram reduci jubet. Sudorem imperat,
si bis terve assumatur, brevi extirpatam
luem pollicetur. Quercetanus ope-
rosam illius confectionem, exquisitissi-
mé descripsit, ad grana octo, præmis-
sis debitis vacuationibus, ascendit.

Mirari tamen subit, eos, qui tam tutó & impuné, Mercurium suum, tam crudum quam præcipitatum, assumi posse & sibi & aliis persuadent, cur vomitariam facultatem ipsi non adimunt? Vulcano toties traditum, sæpenumero fixum & refixū, cur per superiora non desinit purgare? Mitene vel benignum hoc medicaminis genus, cū *ἐμπνὰ* omnia violentissimo-rū censu habeantur? Veratri omnes præparationes correctivæ eó tendunt, ne per gulam educat materias. Agaricum, ne parietibus ventriculi adhærescens, levitate sua innatans, vomitum cieat, in pastillos redigimus. Tanta ventriculi & actionis illius ratio habetur, cū per *πυλῶν* cibi cocti chylum sensim demittere, non per superius os, sensu exquisito præditum, convulsionis metu, materias exturbare debeat. Suntne omnes apti nati ad vomitum? Promiscuè absq; ullo *διορισμῷ* omnibus datur turpetum, tam qui capite magno, colic oblongo, pectore angusto, scapulis prominulis alarū instar, quam qui differente sunt corporis habitu constituti. E loco, in quo coqui possunt, materias non ducendas, in locum ubi coqui non possunt,

possunt, regula est Galeni in Methodo. Ergo non a circumferentia ad centrum. Materiis quę venis sunt prolapsę, reditus est interclusus: A minus principibus ad digniora, fœdorum ulcerum & pustularum materiem (per *σπαιλισμὸν* inquam) revocamus, siquidem etiam vomitu exinanita restitutionē poscant corporis membra. Estne rationalis Medici, ad fauces, laryngem, linguam, epiglottidem, guttur, animę canalem, loca inquam spiritui dicata, angustissima, illuviem pituitę putrescētis proturbare, ubi etiam leves anginę, suffocationi & ocysimę mortis occasionem præbent? Suo veró fœtore spiritibus infectis cordi titubationes & synopes, periculum inquam præceps creare possunt? Causam conjunctam, ipsam videlicet materiam morbum foventem, ex habitu non revocari, neque ad viscera derivari, verum sublato quasi nutrimento, sua demum sponte exarescere, & perfanari, salivam autem colliquata pituita e cerebro, via competenti, defluere inquires. Indicę luis focus & sedes primaria jecur statuitur, cur itaque cerebrum vacuatur, nisi cephalalgiam creantes eli-

ciantur fortē humores? Tantamne vim
pituitæ putrescentis solo cerebro com-
prehendi, quæ tot dierum, ac noctium,
continuo decursu, lacunæ perennis in-
star, ore manat, affirmabimus? Nonne
idem præstiterint, etsi minore copia, at-
qui minore quoq; discrimine, præteritis
vulgaribus, & tutis apophlegmatismis,
hypoglottides e foliis & succo Tabaccæ.
Si tã innocuus est Mercurius, cure præ-
cipitato reviviscit, & vomitu rejectus, ab
Anatomicis veró inter membranas &
ossa crudus deprehensus est, nisi quód o-
mnem naturæ in sese actionem repudiat?
Vnde igitur, quam Medici requirūt me-
dicamentorum a calore nativo deprom-
ta actuatío? Cariem ossium num humori
erodenti, vel hydrargyro, mordacitate
sua exedenti, & perforanti, etiam solidis-
sima ossa, acceptū feremus? Illi minimé,
cúm & sanum corpus acerrimis nonnun-
quam succis redundet, qui tamen nō ca-
riosa, vel teredine quasi exesa reddant os-
sa. Naturam pristinam ignis mangonio
non amisisse, argumento sunt annuli &
numismata aurea, ore detēta, momento
& unico protinus afflatu hydrargyro de-
alba-

albata: quo loci absq; scelere silētio præ-
teriri non possunt bullę lotio innatantes,
hydrargyro obductæ, ex historia præce-
ptoris Alexandri Petronii Romani me-
dici gloriosissimi, argentum vivum nimi-
rum & per vesicam emictum testantes.
Medicamentum tū verē dixeris cū na-
turam mutat: ilicet: Omne tamen agens,
agendo repatitur, neque est de medica-
menti essentia, ut natura prostrata, ipsum
intactum, de illa triumphū agat, aut ceu
Proteus varias formas subeat, ac tandem
actione absoluta in seipsam revertatur.
Vlceribus *κακη δεξιότης* aspersum, aut adipi
permistum, si illinatur, quod præsentia-
neum sit remedium, etiam vulneribus,
pila et tormento explosa inflictis, extra o-
mnem est controversiam. Idem testatur
& Monardus Hispalensis Medicus, cū
venenata etiam vulnera, sublimati usu,
tam hominibus, quā pecoribus, persa-
nata, dicat: illius veró ob caritatem in-
opia, succum Tabaccæ vicariam præsti-
tisse operam, certiore eventu, exemplis
comprobat. Atqui nec sublimatum in-
tra corpus recipitur, neq; ilico argumen-
tari licebit, si externis membris vulnere

diductis competit, etiam intra corpus periclitandum, aut eosdem successus sperandos. Præstiterit igitur, mitioribus primam in experiundo palmam tribuere, puta ligno sancto, aut si contumacior rem se præbuerit morbus, ad unctiones prius, demum ad suffumigia etiam invitis provolvendum erit: Celsi auctoritate in attonitorum phlebotome cōsulentis, fatius esse, anceps auxiliū experiri, quā nullum: potissimum cū dubia spes, certa desperatione potior existat. Proinde quæcunque nostro morbo profligando conduxerunt, omnia a luis Indicæ cura sumus mutuati, ut jam vulgo quoq; sit persuasum, tam symptomatum quā curæ similitudine (per *αἰτιογνωσίαν* nostri, curam, quemadmodum Galli diætā vocant) Gallici hunc morbi non tam simulacrum quā speciem esse, nisi quod aliunde quā commercio Venereo contrahi posse, nostris nunquam antea auditum fuerat. Sudoribus cicuratum malū, & iis quidem natuta vel arte expressis. Kodroffskius Eques Polonus exercitiis & concitatoribus cursitationibus, multos dies sudori eliciendo occupatus, nullo usu;

lo usus artis præsidio libertati se vindicavit. Historiæ tradunt, Judæos e Betica in Mauritaniam transportasse luem Veneream, illic propriis & peculiaribus pessum ire antidotis: qui veró in ulteriorem Numidiam aut Nigriticam Æthiopiam se conferunt, solius cœli ferventioris beneficio, solibus perustos, absque remedium ope, integritati restitutos. Causa in promptu est, quandoquidem flagitiosos homines ad remos condemnatos, inedia violentissimaque corporis exagitatione luem exilio multasse perpetuo, sæpius observatum fuit. Posita vel repetita itaq; hypothesi, neminem extra balneum inquinamenti semina hausisse, cōsequens est, ut disquiramus ordine recitatis balnei partibus constituentibus, undenam primario labes ceu a fonte emanare & seipsam propagare potuit.

Ædificio seu structuræ universæ vitium tribuere, dementis foret, cui nulla in corpus datur actio, neque contactus: ad aerem porro recurrendum foret: ut neque apodyterio, ubi prius lavaturi vestimenta exuunt, nisi in iis latuisse virus dixerimus. Fornax præterea, seu caminus

ardens visitur, sub cuius testudine, materies substernitur igni succendendo: supra testudinem acervus exardescentium silicum congestus, cui humore affuso, vapor excitatur fervidus, qui partim spiratione haustus, partim corpus totum ambiens & subiens, calorem nativum torpentem exuscitat, ut mutuis conjunctis operis humores tenues supervacaneos per sensum fugientia cutis spiracula sudoribus extrudant. Aqua deinceps tepida corpus probè fricatum, sordibus strigili, pumice, vel panniculo aspero exterfis, abluitur. Calfacto corpore, sanguine cū spiritu evocato, quibus cordi est, medica affigitur cucurbita, scalproq; chirurgico penitus adacto, epidermis, nōnunquam vera cutis cucurbitæ ambitu comprehensa perfoditur, repositaq; cucurbita, sanguis e capillaribus venis elicitur (scarificationem σκῆαι μετὰ καταχασμῶ, ut inanem κέφω, dicunt) quæ repetita, non levem cruoris educit, pro impactarum numero, & corporis plethorico habitu, quantitatem. Deliniuntur postmodū stigmata seu vibices unguine aliquo, tam ut scabritiem e punctura contractam tollant, & ut

& ut dolore mitigato, cōsolidationi subserviant. His vulgus semina latuisse existimat, vela balnei præfecto, collega, ministrantibus servulis, & ancillis, promanasse constanter asseverat. Persuasionem hanc antequam mentibus eximamus, considerandum erit, quid naturæ tā inimicum, ex toto balneo velejus partibus exhalare, emergereve potuerit: aut qua industria, quove humano artificio, venenum ita præparari potuit, ut labes seipsam ita propagaret: demum, an venenum vel contagies fuerit, determinandū erit. Ulcera putruerunt: tetrū olens saliva purulenta, suo fœtore putredinem indicavit: ergo *μιασμα σὺν πικρῶν δέξ.* Venena, nulla inducta putredine, sola vi lethali, quam deleteriam medici dicunt, interimunt. Venenorum nulli communis fit malignitas, sed necato animante, progressus eis interdictus: atqui proposito nobis morbo quamplurimis commune fuit malum. Scopus veneni interitus, contagionis non primarius, sed ut alteri suam impertiatur malitiosam qualitatem: neque perpetuus, cū paucis exceptis hac nostra

omnes letum evaserint. Venena e diametro cor oppugnant, & sæpius expugnant: Hoc malum stativa circum jecur habuit castra. Ergo revera & proprio significato venenum esse nō potuit, quod ingenio humano confici (lurida terribiles miscent aconita novercæ) quidē potest, at vim serpendi, virus communicandi, in quosvis obvios transferendi, natura speciei conservandæ studiosè provida, ne in immensum sceleratorum effrænis excreceret malitia, illis denegavit. Arti verò naturam superare in agentibus naturaliter concessum non est. Cujus igitur generis delibuta fuit fornax & filices? quidnam deleterii pharmaci vaporem, aquam, aut spiculum polluit? quid virulentiæ sub cucurbita latuit? quid adipi permisceri potuit, quod laxis habenis ita grassaretur? siquidē venena privata sunt non publica mala, & contagiosam lucem arte excitari posse nunquam fuerit observatum. Exstant exempla facinororum hominum, qui e pestilentibus cadaveribus decoctis, pharmaca conflagunt, & pestilitatem pluribus communē in vulgus sparserunt. Vt hic authorum fidei nihil de-

hil derogatum volo, ita nusquam auditum, contagia venerea, aut Indicū morbum ejusmodi machinamenti divulgatum, cū crassio rem contactum hactenus omnes scriptores desideraverint, licet ratione contagii commune id habeant cum pestilitate, ut seminaria & fomitem a se relinquant, unde, habito majoris & minoris, severioris inquam & benignioris contagii discrimine, celerius aut tardius quis ea possit malignitate imbui. Pestis arte inveni potest. Ergo & lues Indica. Nulla hæc nituntur consequentia. Testudinem cui pyra substruitur, vel siliices ignitos, quis illitos pronūciabit, igne rerum omnium domitore illic summis gradibus cōspicuo? Venenum poscit excessivos qualitatum gradus, ideo nihil simile generare potest. Calori hīc juncta siccitas, quid parturiet? Seminaria & fomes contagii aliquid humiditatis deponunt, cujus in flamma nulla, aut exigua admodum portio. Contagium putredinem producit: at præter ignē omnia putrescere posse Philosophus statuit, hunc solum immodica siccitate putredini resistere docens. Quam igitur luem medio

igne investigabimus, quo etiam durissima metalla lustrantur, & perfectionem adipiscuntur, omniaque illi injecta tandem conflagrant. Par de vaporibus affusione aquæ e bullulis, elevatis, judiciū esto, si orta attestabuntur principiis. Fovemus interdum valetudinarios balneis artificialibus, decocto herbarum odoratarum laminis ferreis aut lapidibus exalfectis asperfo, ubi vapor odorem, qualitates & vires denique omnes decoctionis refert. Balnei fervens vapor, nullam manifestam sub sensum cadentem pravitatem præ se tulit, nihil olidum naribus, nihil nebulosum vel obscurum caligine oculis objectum fuit, unde vel levis conjectura luis præsentis capi potuisset: quæ si a lapidibus exordia cœpisset, præteriri minimè poterant. Vaporem tamen illum distributioni contagis, & promulgationi strenuam non navasse operam, inficias nemo iverit: sed primam & præcipuam illic sedem ac mineram sive originem statuendam, pernegamus, nisi subiecta unde vaporosi halitus exspirarunt, vitio non caruisse prius probatum fuerit. Oportuisset deniq; omnes qui cum intra
viscera

viscera spiratione hauserunt, non solum
eos qui cucurbitas admiserunt, pari ra-
tione infici. Si aquam accusaverimus,
vel ea quæ ignitis lapidibus affunditur,
corruptelæ expers non fuit, vel qua uni-
versum corpus proluitur, pollutam oportuit.
Neutrum jure affirmari potest. Si
quid in priore labis extitit, igne correctum
vel consumtum fuisse est necessarium:
hac veró, cum totum corpus non semel
atque iterum, sed sæpius obruatur, veri-
simile fuisset, cutem quæ primò aquam
excepit, ejusque alterationi exposita fuit,
primùm fuisse perpeffam non per partes,
sed totam, cum æquè vnum ac alterum
membrum tinctum immersumq; lava-
cro fuerit. Consuetudo item obtinu-
it, ut postquam sudoribus propè dissoluti
fuerint, fœdis cutis furfuribus abrasis, in
solum præcipites sese dedant, illic lon-
gam nectentes moram deliciando cun-
tentur. Id, eodem aheno hausta unda,
repletur, calor frigida eodem puteo ex-
tracta temperatur. Cur itaque non uni-
versum corpus ilico, porriginosa sca-
bie, tumoribus, pustulisq; defœdatum,
quatenus tota cutis tacta est, apparuit?

Deinde *μιάσματα* tam fluido subiecto co-
 hærerene potuerant? Viscidam substan-
 tiam quæ facile diduci, cōtagium diutius
 asservare: ut continuitate multiplicari
 possint, *ἐκπύουσι* pro subiecto poscunt. Hu-
 midum alieno facile, suo ægrè coerceri
 potest termino. Seminaria oportuit esse
 potentissima, quæ & puteum inquinave-
 rint, & ignis consumentis vim dum fer-
 vescit aqua, effugerint: illic verò frigus
 scrobis subterraneæ vicerint eique in se-
 derint, ut paucitatem vaporum & eorum
 quoque imbellium (si cum calore contu-
 leris) quæ e frigidis rebus exhalare solent,
 præteream. In usum ciborum elixando-
 rum venit aqua, penitus intra corpus as-
 sumpta nullam peperit noxam. Itaque in
 excessiva humiditate contineri potuisse
 quin diffuerent aut inertia redderentur
 semina, docere prius oportuit. Cutim di-
 xeris pollutam. Exigua cucurbitæ subje-
 ctæ portiuncula quam feriit scalpellum,
 recepit inquinamentum. At diligenter
 abstergere cutim, superficie tenus aqua
 vel madore perfusam, antequam adhæ-
 rescat cucurbita, in more positum habēt
 artifices, ut culpa in aquam minimè con-
 ferri

ferri queat: qua cū omnes æquē perfusi
sint, rationi videtur consonum, omnes,
non modō quibus cucurbita impacta fu-
erat, offensam perpeti debuisse. Secus
accidit. Par de cucurbita ratio. Si in
eis occultatū delituisse virus, omnium
vestigia putredinis conceptacula fuif-
sent. Atqui duę vel tres ad summum, una
plerunque, pro proportionē & numero
inhærentium cucurbitularum, exulce-
ratione molestata fuit. Innumerāne po-
nemus, aut cōtinuitate in infinitum pro-
ducta seminaria, quæ sigillatim quanque
& centenarium numerum longē exce-
dentē infecerint cucurbitam? Vtrumq;
rationi dissonum: ut hoc impossibile, ita
& illud, quod cæteris intactis uni vel pau-
cis adhæserit contagium, cū natura nō
ἐν τῷ ἀεὶ ἀπὸ τοῦ αἵματος agat, non plus huic quā al-
teri vicinē instillaverit, neque artifex cæ-
dem molitus, unam præ reliquis notatam
habuerit. Præterea priusquam impin-
gantur cucurbitæ, solertem iis aqua tepi-
da abluendis curam adhibēt, eas diutius
macerant, & qui balneatorum suspectas
habent fraudes, ipsimet crebrius fricant,
abstergunt, & tam intus quā foris, ne

quid sordium aut immundicie adhærescat, sollicita indagine perquirunt. Delicatiores e locupletibus, repudiatis vulgaribus æneas secum domo deferunt cucurbitas. Quid reliqui imbutæ contagioni supererit, quominus extorris a tot ablu-tionibus reddatur? Si quid superstes remanserit, flamma cucurbitæ inclusa, nonne ei absumendæ sufficiet? Imó cum ad se trahat cucurbita, si quid cuti subjaceret virulentia (quatenus sese exporri-geret *ἐπιπορευτική* vis sua) violentius evocaret, quam ut illi putrefacientem impertiretur malignitatem, cum aliorum propellendi destituta sit facultate. Vel igitur omnes cucurbitæ fuerant inquinatæ, aut omnes immunes esse oportuit. Neutrū verum. Ergo luis origo illis accepta ferri minimé debuit. Si spiculo, minutulo ferramento cutim perfodienti impactā dixerimus luis materiam, in eundem impingemus lapidem. Cur non omnia loca scarificata putredinem conceperunt? cur uni soli vel paucis numero ea communicatā? Phlebotomum specillum cum genuinam pellem altius subierit, verisimile est, parietibus membri ex vulne-

vulnere inflictio divulsi, e vestigio adhæ-
surum si quid inest toxici, neque reli-
quum futurum quod secundo vel quin-
quagesimo ictu, cum vi adactum ægrius
revellatur, communicetur. In infinitum
non datur actio neque progressus: infini-
ta non fuit vis, neque fomes immensus.
Si extrinsecus, ut ariolantur, spiritu vel af-
flatu illi fuisset virulētia attributa, crebrā
de integro cuspi illitionem aut afflatio-
nem reiteratam postulavisset, quod in tā
numerofis puncturis, velocissima opera-
tione, fieri non potuit: aut si fortē tenta-
tum, suspitionis crimine & reprehensio-
ne vix caruisset. E napello toxicum qui
conficiunt feris interimendis venatores,
(ejus merito Hispani hierva dellos bala-
strieros indigitant) spicula aut sagittarum
mucrones ad cujusvis feræ ictū absum-
to veneno, denuo relinire necesse habēt,
eoque vasis e bovis cornu affabrē factis
inditum circumgestant. Huc acce-
dit, quod absoluta unius aut alterius sca-
rificatione, hebetioribus redditis, ad co-
tem, vellora in hunc usum confecta de-
nuo scalpellis obtusis acies inducitur,
splendore unā allato, qui nihil sordidum

inhæsisse, quód vel actionē celerem cunctando remorari, vel infligendo, vulnere venenum transfundere potuisset, manifesté arguit. Pinguedine delibuta redduntur stigmata, remotis jam scarificatione finita cucurbitulis. Ea latuisse abrasum virus, sunt qui suspicentur. Quisnam eó seminaria abdidit? quo artificio eó occultata aut inclusa sunt? Sævum olei loco, lucernis nostri materiam flammæ subministrantes, adhibent: illi quo pacto permisceri potuerunt *μείγματα*, cum naturæ solius sit tota per tota miscere? Cur artifex ungens frequenti tractatione non impetitus prius quám unctus? Vnius cucurbitæ vestigium cur putredinem concepit, omnibus ex æquo delinitis? Deinceps ignis accenso ellychnio nonne potuit, si non prorsus absumere, attamen aliquantisper corrigere virulentiam illā? Eadem repetitur *χράμβη*. Extremó suspicionibus tantum fuit indultum, ut affirmarent Adamum cum collega Ambrosio Indico morbo laborasse, & opera chirurgi Evancicensis restitutos olim fuisse: nunc etiam exuvias quasi veteres redivivas contagio occasionem dedisse.

Hi

Hi contrá constanter pernegare factum. Estó. Quadriennium abiisse dicunt. Cur modó prorupit? ubinam hætenus latitavit? Ex eo tempore aliquot hominū myriades iis se proluerunt balneis, nemine eorum labem ullam aut affectionē persentiscente, licet iidem, lavantibus, necessariis exhibitis ministeriis, continuó astiterint. Recens tum & magis efficax contagium, quàm inveteratum modó, erat. Cæca dices occultaque semina-ria, neque de necessitate esse, ut ocysimé emergant, plus nimirum flagitare temporis, & posse diuturnioris temporis spacio morbos repullulare, qui jam tenebris opacis absconditi & sepulti judicabantur. Cur autem hac quam illi comminiscuntur recidiva, securum & immune universum fuit famulitium? Ministrantes prius pollutos oportuit, si propagari ipsorum consortio debuit labes. Omnis autem maculæ expertes fuisse, non scabie, pustulis, cephalalgia, artuumq; cruciatibus divexatos, omnibus in confessio est. Antidotis inquires se munierāt. Quibusnam obsecro? Inter luis Indicæ cautelas potissimum venereæ illecebræ no-

tantur, ut qui ea corripere non volet, fœminarum congressu absteineat, & arctiorem cum infectis consuetudinem fugiat. Nostris hominibus mehercule hac lue nihil præsidii attulit abstinentia ista, cum aliunde manaret contagium. Adolescenti verò, cui perfodiendi pellem partes erant assignatæ, quam ignominia notam inusserimus? Eandem is subibit aleam? Hærent. Ex iis liquidò quivis æstimare poterit non e causis putatis ortum inquinamentum, sed aliam ipsius origini causam comminisci oportere.

Contagiosum non venenatū novum hunc esse morbum supra cum constitutum fuerit, necessariò pervestigandum, de origine illius certam scientiam habituris, an cōditiones in contagio requisitæ illi affuerint, necne, alioqui in vado quod ajunt, hærebimus. Ad constitutionem contagii cōcurrunt, Putredo, & quidem non vulgaris, sed quæ totam substantiam resolvat, e qua emergunt halituoſi vapores, non quidem inanes, quæ solam vim aut qualitatem nudam, verumetiā portiunculas quasdam substantiales (ut semen totam plantam in se continet) aut essen-

essentiales tota subjecti corporis natura prædita secum vehant, quarum ea est virtus & efficacia, ut putredinem in specie similia corpora traducere, & eandem iisdem dispositionem impertiri, ut nihil interim de subjecto unde prodeunt decedat, possint: sed origine a corpore polluto (undecumq; illud contaminatum fuerit) ducta, exuscitentur vapores visceri, seminariis putridis referti, qui transferre possint affectionem putridam in specie similia subjecta. Vt igitur in omni alteratione perpendendus terminus a quo, & terminus ad quem, ita res quæ propagare debet contagem, oportet ut sit putrida: ut vaporem ex se mittat, eumque imbutum dotibus, quibus & subjectum unde emanaverat, & eandem specie dispositionem alteri communit. Neque prius germano sensu genuinoque significato dicetur contagio, nisi cum subjecta e quo derivatur, & in quod transfertur inquinamentum, eadem contaminatione aspersa fuerint, etiam ex agentium & patientium relatione mutua, cum agens non possit suam formam imprimere passo, nisi prius ipsum eadem

qualitate imbutum fuerit. Quam in camino, filicibus, aqua, cucurbita, scalp proferali, unguine statuemus putredinem? Estne animantis, aut inanimatæ rei accidens putredo? morbo samne illis tribuamus dispositionem, cum neque valeant neque vivant? Differentem toto genere effectum tribuamus causis putatis? Supeditabuntne qualitatem passio, qua ipsa destituuntur? Inficientne aliquid specie dissimile? Cum uvæ, poma, pyra, non lignis aut lapidibus putredinem insinuēt, sed sibi similibus fructibus, cur supra recitata balnei instrumenta eandem humano corpori impertientur? quænam inter hæc cognatio vel *συμπάθεια*, vel in partibus integralibus, aut tota temperatura? Quid vaporosi effluvii manabit e filicibus, cucurbita, scalpello? Tantundem liquoris ut e pumice aut ferro expresseris. Aqua verò ratione frigoris & paucos edid vapores, eosque ab obviis quibuscunque superatu faciles. Malus verò diuturnitatis custos, obliquidam & fluidā substantiam, eoque viscosa seminaria neque coercere, neque continere tantisper, ut validiorem impressionem faciāt, potest.

Adven-

Adventitio fervore si incaluerit, ut ille est propè momentaneus, ita eo solū vertente aliorum faceſſit, etiam vis putris, illi si qua irrogata fuerit. Adeps licet crassus, frigore concretus, ratione tamē pinguedinis aliquid aereum obtinuit, cuius merito dissolutus & calefactus, vaporem ederet quidem, at num ille putridus esset futurus, & an putredo vera illi competeret, neminem asserturum existimo. Si igitur omne contagium in simili, necessarió consequetur e natura contagii, cūm homines contaminati fuerint, labis principia ab homine quoque dimanasse. Idcirco oportuit balnei præsidem publico hypocausto infectorum medelam instituisse, illos vaporario eodem fovisse: aut ipsummet, pilicrepos, ciniflones, cæterosve balnearios ministros, vel domesticorum unū aut plures pollutos, aliis luem communicasse. Si hoc probari non poterit, restat ut dicamus, quempiam illic lavisse, qui prius Indico morbo infestatus seminaria contagii hinc inde vaporis tepidi adminiculo disseminaverit. Præterquam quód balneator pertinacissimè factum pernegat, ejus innocentia etiam

hoc patrocinari videtur, quod qui hy-
drargyro ungentur, aut fumo e Cinna-
bari torrentur, per cōtinuos dies decem,
viginti, plures, aut pauciores, prout rei
exigit necessitas, execrandum hoc cura-
tionis genus sustinere necesse habent.
Vacare ægris quidem licuit diebus inter-
calaribus: at cū publica (quod ter qua-
vis reiteratur septimana) prostabant la-
vacra, quorsum migrare fecit ægros? In
aliud, inquires, conclave. Atqui omni æ-
re toto curationis tempore illis interdi-
ctum, neq; absq; vitæ discrimine aeri fri-
gidiusculo sese exponere possunt, suda-
toriis perpetuó inclusi, quantum censes
in toties repetita transmigratione fuisset
periculi? Si olim ipse vel suorū quispiam
fuit commaculatus, latuit forté fomes se-
minarii in stragulis vel vestibus (ut acci-
dentia suis causis tecta sæpè occultantur,
ut sensus quoq; fallant) qui tandem ex-
uscitatus contagii auctor fuit, ut causa,
quæ aeri primó vel corpori tangenti, aut
assumentis communicaverit perniciem.
Huic tamen assertioni repugnat vomica
sub cucurbita, ubi fixa videtur fuisse pu-
tredinis basis. Hisce ambagibus facilius

nos

nos extricabimus, neq; tot difficultatib⁹ involvemur, si culpā in externum quempiam conjecerimus, quod minimo negotio propugnari poterit. Adiit balneum, ibiq; lavit, vehementer hoc antē infestatus morbo. Licuit ipsi. Tantos enim balneatorū avaricia fecit progressus, ut cuivis ingredienti promiscuē & impunē fores pateant, nullo discrimine opum, gradus, vel dignitatis habito, nullo examine pollutorum & contaminatorū ab iis qui macula omni carent, instituto. Thermis agro Viennensi lege sancitum, ne quis ulcere, scabie, aut alio cutis vitio notatus sese proluat. Præfecti partes sunt, ubi levius apparet suspicio, ampla cum potestate perscrutandi etiam nudos, & si quid macularum apparuerit, eum arcendi, aut in ea loca, quæ in usum defœdatorum separatim exstructa sunt, delegandi. Quamvis & hîc

Dat veniam corvis, vexat censura columbas,
dixerit quispiam. Si fidem tuis conjecturis adhiberi velis, digito commonstrato & dicito, Hic est. Ocularis sanē demonstratio omnem animis eximeret dubitationem, neque hic labor nobis assu-

mendus fuisset. Veruntamen in tanta colluvie hominum, loco omnibus pervio & patente, corycæos quosnam institues? Quid si plures fuisse dixerimus? Ex tam multis exiguo intervallo temporis corruptis, ariolari non vana conjectura licebit, non unum solum fuisse. Ter quavis hebdomada calefiunt hypocausta, cattervatim eó advolant omnis generis homines. Artifices manuarii hebdomadarii penso absoluto etiam sole jam occiduo agminatim eó cōfluunt: ruri qui habitant, rusticanis laboribus exantlatis, sudore & horrido pædore scædissimi exoneratum sordes gregatim huc concurrunt. Quid impedit, quo minus in tanto numero, supina balneatorum negligentia, aut importuna argenti siti fameq; aliqui lue Indica jam marcidi clanculū sese ingesserint? Si sub crepusculum vespertinum ingrediantur, etiam si ulceribus sordidissimis scatuerint, quis animadvertet? cū tenebrarum beneficio ulcera & Telephia facile quivis occultaverit. Patuit accessus, ut suprà retulimus, etiam Apellis recutitis duobus Hunnobrodensibus impurissimis, alias a consortio Christiano-

stianorum abigendis, quos etiam antea labe nō caruisse vel hinc suspicari licet, quod alter nō longo pōst tempore vitam cū morte commutaverit, alter in lepram morbum magis horrendum inciderit. In Italia & Galliis morbus hic familiari-
or est, attamen gentis instituto publica balnea vel nulla, aut vix uni vel alteri peregrē advenientium frequentata, neque nisi per vices (cūm has delicias non tanti faciant, vel privatas metu pollutionis locupletiores instituunt) lavare cōcessum, tum invitis lavantibus, balnei non datur supervenientibus, nisi primi excefferint, potestas. Eapropter hac via malū communicari non solet, cūm alia compendiosiora luis adipiscendæ aucupia in usu habeant.

Proinde infectus vel infecti, balneum ingressi, corpore concalefacto, flatu sive spiritu aerem polluerunt, vel per contactum vicinos assidentes coinquinant. Si per aerem labes propagata fuit, tunc necessarió e corrupta substantia infecti emerferunt corpuscula putredinis semina cōtinentia, quæ vel νοσερὰς ἐκκρίσεις, μᾶστιματα σηπιδονώδη, πνεῦμα φαῦλον ὡς βαρὺ, ἀπορρόαες, vel ἀπο-

xpiore nominaveris, nihil interest, modó
de re ipsa constiterit. Seminaria illa bal-
nei tepido vapore recepta, sese insinua-
verunt corporibus aliis, vel per hiantia
corporis spiracula, vel viis spiritus hausti,
labem aere corrupto propagaverunt.
Quód si crassio rem contactum requisi-
veris, infectus incaluit, sudore dissolutus,
toto corpore corrupto virus extrusit: tū
sordibus cutis absterfis (ob frequentiam
lavantium crebro ut sese mutuó contin-
gant, usu venit) vicino affidenti eas im-
pertivit, ita cuticularibus meatibus rese-
ratis, facile subiit contagii seminarium.
Prior modus ob corruptorū copiam ve-
rissimior, cū isti adversetur locus pu-
tredinis, cucurbita medica quasi coerci-
tus, quó sordes vix pertingere potuerūt.
Tam leviane dixeris horrendæ luis pri-
mordia? Plures eodem tempore infecti,
eos ceu qui a Scorpio icti, ab eodem me-
delam deposcunt, in balnea recurrisse su-
perius narratum, unde malum cōsequu-
ti fuerant, remedia illinc flagitabant: at
pro thesauro carbones reperti. Iterum &
tertium repetebant cucurbitas, quæ non
nisi vaporario hypocausti, sanguine ex-
cale-

calefacto, & foras evocato, affiguntur: quó plures eó concurrerunt, magis auctum contagium. Præterea morbo inter initia occulto, furtim suscepit incrementa, minus providis hominibus, a conversatione illorum nemine abstinente, tum sensus fallens omnes, radicibus jam actis primúm fuit cōspiciuus, cū jam universus sanguis corruptus fuisset. Sic putredo aucta, invaluit contagium tam in quali & quanto, ita multiplicata seminaria. In majori quanto major virtus: ita increbrescentibus morbidis, eoque confluentibus subinde majores vires concepit vis contagiosa. Quid si addamus seminaria fuisse adeó viscida & sordida, ut parietibus balnei etiam, & stragulis aut aliis indumentis, conclavi spoliario adhæserint. Ter quavis septimana calefactis balneis, fomes illic asservatus revixit, & infectionis propagationi non leves tulit suppetias. Ecquid de cucurbita? cur illic basis fuit putredinis? quo pacto eó confluit vis contagiosa? nulloque alio loco sensibus primúm quám illic sese subjecit labes. Hoc opus, hic labor est. Cucurbitam cuius sedi

vehementer impactam, magici incantamenti instar ad se trahere, cum Galeno profitentur Medici. Lanceola epidermide discissa sanguinem violenter extrahi ἀποψία docet. Luem intro jam receptam spiratione, vel contactu, antequam constitutum fuit: quid igitur impedit putredinis seminaria ab efficacissima cucurbitæ vi attractoria, ejusdemque operatione velocissima, antequam alibi sedes fingerent, in eum locum pertracta fuisse? Attrahere dicitur fuga vacui cucurbitæ: carnem subjectam primū calefacit, quæ deinceps rarefit, daturque spacium spiritus aut vaporis exhalationi (quam ἀδηλον δῆλον vocant) accedentibus vulnusculis, tenuior primitus, postea & crassior sanguis exudat. Contagiosam vim huc initio concessisse, non solum conjecturæ, verum etiam ἀποδείξεως instar est φλεγμονή, ardor, rubor, dolor, pustulæ circumquaque efflorescentes, quæ in fœdum abscessum terminatæ sunt, cum neque putredo contagiosa, ἀνευ ὑπεκκαύματος fieri possit. Contrarium sentire videntur auctores, qui non secus ac leporem marinū pulmonibus insidiari, torpedinē

ner-

nervis stuporē conciliare: ita etiā Indicū
primo protinus occurſu jecur occupare,
firmiſſimis ſtabiliunt argumentis. Affir-
mari hoc noſtro morbo id minimē po-
teſt, prima ſcilicet fronte aut primo oc-
curſu vim hepatis eſſe illatam, ei veró tan-
dem communicatum nullus inficias ive-
rit, argumento e ſymptomatum natura &
eorundem congerie depromto. Hippo-
craticum eſt: Vbi dolor, calor, frigus, fu-
dor, ibi morbus. Ergo & cauſa vel hu-
mor morbum procreans. At non niſi
ambitu cucurbitæ caro comprehenſa in-
itio doluit? Imó diverſitas locorum, in di-
verſa traxit morbi materiem, ut ſi circa
ſcapulas, dorſum, genua, adhæſiſſent cu-
cubitæ, eó ſtatim derivaretur malum
adhuc ὀργαζων. Tam anguſtiſne finibus lues
coercita, horrendorum ſymptomatum
author exſtitit? Solum ulcus principi-
curationem poſtulabat: (quod ante pe-
des eſt vulgus perpendit) illac educi con-
tagioſa ſemina oportuit, illud conſolida-
tum, materias aliorſum præcipites ferri
juſſit: hinc dolores atrociffimi artuum
conſequuti. Imperitia itaque chirurgor-
um ſubſidia porrexit luis incremento.

Loco affecto *ἀποκρυστικὰ*, fervorem extinguentia, actu frigida, adhibuerunt: Omnibus autem cutaneis affectibus, contagiosis & venenatis morbis a circumferentia ad centrum repulsio interdicta. Tabacq̃ liquor (licet herba & succus palato acrem & urentem exhibeat facultatem) cum sub altercorum classe collocetur, refrigerantem & repellentem vim obtinuit. Lac virgineum, unguen rosaceum, Refrigerans Galeni, & alia id genus apposita, contagiosam vim repulerunt intra corpus: tum illa mineram suam seu focum jecur nimirum petens, sanguinem paullo post totum corrumpit: qui toto pervagato corpore, nutriendi beneficio præditus, pabulum membris pollutum *αἷμα πῶς* vitiosa exhibuit, tale inquã, qualis ipse jam corruptus fuerat. Hinc scabies fœdæ, ulcera Telephia, dolores artuum, longo examine originem traxere, & reciproco quasi itinere sanguis oberans modo ad contagii basim, illinc verò repetito cursu materiæ profligatæ ad jecur, omnium accidentiũ etiã sævissimorum occasionem præbuerunt. Tenuium humorum est *ὀρρασιμὸς*, avidissima humorũ
cupi-

cupido: Sed crassam indicant omnia symptomata materiam, & frigidam, earū videtur raptus tardus, cui motus ignavior suffragiū feret. Tenuiores partes absumtas etiā a flamma cucurbitæ, crassioribus residuis, docet alopecia (levissimū Indici morbi accidēs) in nemine cōspecta, cum a falsis, acribus & tenuibus humorib. radices pilorum erodentibus, depilationes oriātur. Si seminaria cōtagiosa primo impetu jecur protinus inuasissent, fieri non poterat, quin ceu in cloacas sua se emuntoria exonerare solitū, tumores inguinū protrusisset. Bubones veró nusquā cōspecti, veluti neq; gonorrhœa, cum non e venereo congressu ortum duxerit malū. Deinde vim cōtagii tantā, tā exiguis carceribus definitā cui admirationē pariet, cogitet, nō semper copia, sed vehemētia agendi & promptitudine, malignitatē estimari: neq; initio tantā illius fuisse copiā, quin cogi in angustū potuerit, siquidem & extra cucurbitæ vestigium sese postea diffudit. Sed cum creber pollutorum ad balnea fieret concursus, auctariū datum putredini, præsertim corporib. cacochemicis iuxta diætā suprà declaratā.

Tum quia non matutinis, sed pomeridianis horis calfiunt balneæ, neque nisi lauté pransi, potibus cibisque abdomine distento, cuti balneis nitidiori reddendæ indulgent. Non desunt alii, quibus in deliciis est inter lavandum sese mero ingurgitare. Fomenta hæc sunt contagionis celerius attrahendæ: & si quæ attracta, maligniore qualitate imbuendæ. Quó igitur plures infecti, majus inquinamentum, major communicatio, vehementior putredo, quæ ruptis repagulis tandē per universum disseminata corpus, non ut anté arctis sedibus contenta, omnes hominis commaculavit humores. Nonne qui a scortis malum mercantur, plerunque cariosis sub præputio exiguis admodum ulcusculis infestantur? Contagio loco valde exiguo primúm adhæsit (nonne e scintilla primúm favilla, post ingens rogos) deinceps jecori transmissa, nisi opportuné remedia & tempestivé adhibita forent, æquē ut noster horrenda inveheret accidentia. At ubi familiare malum, trivialia etiam vulgo cognita sunt remedia, & principiis cū obstiterint, de cetero minus sunt solliciti: cū nostri

noſtri non niſi ſuo malo ſapiant. Reſtat
enodanda quæſtio, quid ſubſit cauſæ,
quòd ſoli, ſcalpro vulnerati, & cucurbita
uſi, labiſ nocumenta conceperint. Æ-
quum fuiſſet, cùm clauſtro communi e
corpore vapor viroſus emerſiſſet, vel o-
mnes qui tunc præſentes affuerant, pari-
ter contaminari: aut hoc non conceſſo,
ſaltem non ſolos ſcarificatos impeti, aut
vitium contrahere debuiſſe. Culpa ve-
nit tribuenda ſpargenti, vel excipienti
contagium, aut ipſimet contagio. Quod
pollutus, uni efficacius quàm alteri im-
pertiverit lucem, veriſimilitudinis nihil
habet, cùm in ſuo non erat id poſitum ar-
bitrio: & ſi voluntas minimè defuiſſet,
operandi tamen poteſtate deſtitueba-
tur. Neque diſſimilitudinem, ratione
ſui, in contagio eſt reperire, cū nulla ſym-
ptomatum diverſitas, formam ſi ſpectes,
obſervata ſit: neque majus & minus dif-
ferentiam ſpecierum conſtituant. Reli-
quum eſt igitur, ut diſcriminis cardo cir-
ca excipiens volvatur corpus. Expul-
ſa eſt contagionis ſementis, quam non o-
mnes in ſinum recondidiſſe conſenta-
neum: cùm nō ex quovis ligno fiat Mer-

curius : defuit analogia : nulla fuit ἐπι-
 μότης : symbolo fuere destituti. Vatiniano
 pestiliter cor impetit odio , non tamen
 cunctos mortales vel præhendit vel ju-
 gulat. Ita necessarió nō deducitur, omni-
 bus, contagii haustis seminibus, pessum
 eundum, aut pœnas luendas. Hic veró
 cui certó constat, aut quis impuné asseve-
 raverit, cū initio labe in balneo sparsa
 fuit, non omnes tunc præsentis ex æquo
 infectos, vel non omnes cucurbitas (cū
 raró non nisi ob eum finem balnea petāt)
 apposuisse? potissimū cū origo vel mo-
 mentum invasionis hætenus omnes la-
 tuit, neq; dies aut hora certó præfiniri po-
 test, quo quis se infectum noverit, vel as-
 severare audeat. Nullam vim meo iudicio
 veritati faciet, qui vel omnes, non solum
 scarificatos, dixerit infectos, vel omnes
 cucurbitas tunc usos, cū fundamenta
 contagii jacerentur, pronuntiaverit, cū
 contrarium, quo illa destruantur, afferri
 non possit. Ne tamen videamur quasi fo-
 rensibus diverticulis alios ludificari καὶ
 ὑποσκελίσαν, dicamus: Contagium ex plu-
 ralitate contaminatorum ducto argu-
 mento, vehemens quidem statutum, an
 ve-

veró crassum aut tenue, in ambiguo collocatum fuisse. Initio semina tenuia, ut etiam sensus & obtutum fallerent (alioqui quisque sibi cavisset) consentaneum. Quo concesso, quid obstiterit asserentibus, magis quam alias corpore in thermis patente, & undiquaque pervio, hausta quidem, sed eodem protinus momento, eadem via, etiam propulsa quibusdam exactaque fuisse seminaria? Vires adhuc præsentes, patuit tam appulsus quam regressus, nullo obice, aut retinaculo impediēte. Si tempori, (cū omnis actio in tempore, & tempus sit numerus motus) vel moræ in agendo aliquæ partes sunt assignandæ, neque tantum cunctentur in balneis, qui cuticulam duntaxat curant, ac qui sanguinis detractio occupantur, supervacanea quæstio, cur hi, præ illis sauciati: Vel non tantum fuit roboris seminariis, ut tam citò suam illis imprimerent qualitatem, vel efficacitas minime defuit iisdem corporibus ad resistendum, nulla præsertim via ipsis invia, tam concipiēdo quam repudiando contagio. Quemadmodum igitur

de facili fuit comprehensum, ita minimo
negocio evanescere, diffilari, dissiparique
potuit virus, ne firmas ageret radices, aut
perpetuas illic collocaret sedes. At qui
cutim fauciarunt, & cucurbitas impege-
runt, eó ceu in cuneum omnes luis coe-
gerunt copias, coaggerarunt in eum lo-
cum quicquid uspiam corpore virulen-
tiæ continebatur, & sic robur majus ade-
ptum (virtus unita, fortior dispersâ) seipso
potentius evasit, donec sanguini & jeco-
ri, sanguificationis officinæ, transfunde-
retur vis contagiosa, quæ longo acciden-
tium numerosoq; examini, tandem ma-
teriam & occasionem præbuit. Putredo
igitur contagiosa, intra corpus recepta,
cucurbitæ vestigio ceu foco aut fonte,
sedem fixit, illinc jecori propagata, dein-
ceps toti sanguini labem impertivit, bal-
neo vectoris vel traducis duntaxat mu-
nere perfuncto. Quod ex suprà prolatis
planum & perspicuū evasit. Transeun-
dum ad eos, qui propinquieribus causis
minimé cōtenti, porró progrediendum,
& antecedentium causarum urgent in-
vestigationem, eoque contagionis prin-
cipia in sublimes causas cœlitusque dela-
pfa

psa seminaria referunt. Conspicati si-
quidem plurimos confertim præhenso,
quemadmodum aliis populariter graf-
fantibus morbis cœlestes & generaliores
assignamus causas, ita huic quam maxi-
mé universalem, & supra vel plus quàm
naturalem attribuendam decreverunt.
Petitis quoque e siderali scientia rationi-
bus, crinitis stellis, aspectibus trigonis, te-
tragonis, hexagonis, errantium stellarũ,
earundem conjunctionibus & opposi-
tionibus mutuis, in morborum produ-
ctione nescio quid latentis *ὀνειρῆαι*, ut alia-
rum rerum sub lunæ orbe contentarum
generationi & corruptioni, attribui de-
bere, contendunt. Huc accedit, quód
10. Novembris die apud nos, alibi veró
citius & tardius, infestum sidus Cometes
ingenti visus magnitudine, quem adhuc
fulgentem non longé póst ceu soboles il-
lius (cúm etiam inopinató apparuerit)
morbus contagiosus excepit. Suffragi-
um iis fert sacrosancta veterum auctori-
tas, qui epidemios morbos, eorumq; ex-
ortus, & durationes, in planetarum inso-
litas copulationes retulerunt, quód et-
iam inductione probaturos se pollicen-

tur. Diversam præter vulgarem & gregariam causam effectricē, nostrum produxisse argumento est illius ortus & occasus, cum solis in Capricornum ingressu, sole inquam hybernū solstitium constituyente emerferit: ejusdem in arietem ingressu verno æquinoctio ineunte, cesserit, eaque ratione trimestri inquam decursu suam emensus sit novus morbus periodum. Et quandoquidē morbus Indicus, cui hic cōgener, vel idem prorsus, dictus e cœlo aut tartaro potius originē traxisse perhibetur, rationi cōsonum, ut cui convenit definitio ē Dialecticorum placitis, ei etiam definitū comperat. Non parvi hæc esse momenti, eoq; non susq; deq; faciēda, sed diligēter expendēda nō nulli cēsent. Unde Indic⁹ exordia cepit, *Grammatici certāt, & adhuc sub iudice lis est.* E diverso astrorū positu qui futura prædicunt, fatales quasdā cœli revolutiones notarūt, puta, prodigiosum Saturni, Martis, Jovis, trium inquam superiorum errantium siderum, cōgressum: hic quō rarior, eō rariores & formidabiliores parit eventus: cum quia causæ sunt potentes, vehementiores proinde faciunt impressiones:

fiones: tum quia ratione cunctationis & durationis a motu tarditate profectæ operi diutius insistere valent. Ab ea itaq; portentosa coitione, ominosa prædicenda, nec quicq; plebejum & vulgare expectadum, præsertim in novorum morborum succretione, sed contagiosos & pestilentes metuendos. Alii ex corrupto alimēto, quo infans in utero nutritur, nō secus atq; morbillos & variolas prodire, eaq; ratione sponte sua absq; cōtagio, Indicum posse ubiq; oriri asserunt, eo solo argumento, quod nullus morbus perpetuō hominem infestet, quin aliquādo finem faciat. Cōtagio autem semper præsupponere aliū infectū necessitas exigat, & ita dari progressum in infinitum, quem natura abhorret. Cunni muliebris corruptioni qui luem acceptum referunt, eis quoq; probatio incumbit, unde is primō inquinamentū acceperit. Ex America, mercē præciosam nobis advectā, nemo it inficias, illic quidē populariter grassatur, verendū tamē, ne illis ab astris defluxisse, nobis veró cōtactu cōmunē redditū, fateri nos oporteat. Nostrū morbū e vulva nō propagatum jampridem probatū est.

Afflixit quidem plures, non tamen ea-
 propterea deo generalem postulaverimus
 causam, quia Gutturositae convallibus
 Carniolæ & Styriæ frequens, imò popu-
 laris, illic & ἐνδημος, qua tamē haud omnes
 infestantur, ut aliis quibusdam regioni-
 bus straborum, gibbosorū, plures quā
 alibi reperias: quo etiam ἐπιμότις τὴν πάχοντος
 accersenda. Cometam veró Monarchis,
 Regibus, Principibus, heroibus & aliis
 summo rerum fastigio collocatis infau-
 sta portendere, neque ad humiliora sese
 demittere, jam pridem creditum est: ac si
 hunc Regi Persarum mortem, Lusitaniæ
 tristissimam cladem, & Mauritaniæ Re-
 gulis internecionem, denunciassē im-
 punē quis asseveraverit. Quid illi cum
 Brunna nostra privati negotii? Potenti
 nimirum & immensę causę, amplissimus
 effectus, in latum & amplum sese diffun-
 dens virtus, tribui debet: tamne angustis
 limitibus vis Cometæ terrificæ definie-
 tur? Absurdum magis erit, quód e tribus
 urbis balneis, in unum duntaxat exitialis
 ejus facultas grassata fuit, ac si illic con-
 clusa, ulterius debacchari non potuisset.
 Peculiarene fuit hujus balnei fatum, ut
 ejus

ejus excidium minaci debuit prædici Cometa? Eóne solum seminaria effusa a sideribus errantibus fuere? De origine quod affertur, fortassis non tam Solis hybernæ stationi quam nundinis tribuendum. Institorum enim mercibus publicè distrahendis sacrati dies cum in id tempus incidissent, quibus fæx hominum & colluvies e pagis & agro vicino confluere solet, quid mirum, si majore ad balneas & præter solitum facto concursu, aliqui contagiosarum mercium sentinam eó exoneraverint? Et quód trium mensium spacio impune quemvis corripuit contagies, postea exauctorata, quasi finē nocendi fecerit, forté nō tam solis mutationi imputandum, quam quód in ea tempora inciderit interdictum, quo balneatori vetitum, ne artis munia exerceret, cum sua quoque sponte refugerent homines contagiosi balnei ingressum, deficiente videlicet subiecto, cui deinceps infligeretur exitiale virus. Alieno malo tum cautiores redditi cæteri balneatores, levem ob suspicionem, a suis arcebant domiciliis, omnes quos illic lavisse aut aliquantisper infectos noverant: eoque ad-

H

huc illæsi, sinceri atque immunes perstiterunt. *Μαθητικὴ δ' ἀστρολογίας*, & physicas portentorum, ostentorum, prodigiorum & causis sublimibus ceu effectorum deductiones & interpretationes, ut hisce non impugnamus, neque everfas volumus (rem etenim controversam privati juris minimè facimus) ita neque prorsus inficiamur, in morborum generationibus, ordinato eorum progressu, rationalique Methodo curativa instituta (exemplo sunt Critici & decretorii dies) tanquam *σωασιπίας*, aut si mavis *σωεργίας* causas sublimes concurrere posse, potissimum Solis Lunæque deliquia, & statas ipsius mutationum vicissitudines, cum sanguini, & humoribus, proinde affectibus, qui ex humoribus dependent, Lunam dominari, longus usus, & rerum experientia nos fateri cogat. Procul autem petitis principiis insistendo, quæ cominus, & ante pedes sunt missis, causas in cœlo venari, quis nobis persuaserit unquam? Medico, artifice sensato, sat fuerit, missis factis superemorum siderum ambiguis comminationibus, aeris regionum qualitates, illi a superioribus corporibus impressas,
ad

ad amissim cognoscere, secundum normam illi ab Hippocrate traditam. Ita novum hunc morbum, contagio, e subiecto putri elevato, vi balnei in alia traducto corpora, inopinató emerfisse, si sciverit, causarum peregrinarum, vel generaliorū investigatione curiosiore ad Metaphysicos relegata, facile quod illi est proprium, & feliciter, curationem aggredietur & absolvet.

Hæc de morbo novo: ubi si prolixius, verbosius, aut etiam odiosius, nonnullis quædam repetita & exaggerata videbuntur, inserviendū fuisse noverint theatro: cum neq; dum e mentibus hominum extirpari potuerit falsa de morbi origine persuasio: pertinaciterque illius culpam in balneatorem conferentes, eundem, omnium suarum miseriarum & afflictionum caput, & causam, adhuc quiritentur. Forté si alii suum interposuerint iudicium, re in tranquillum restituta, & de nostris & reliquo genere humano bene merebuntur. Quod ut faciant,

etiam atque etiam rogo,

Brunnæ XV. VIIIBR.

M. D. LIXXX.

H 1

THEOPHILVS HOMO-
DEVS RHOETVS, MEDICINÆ
Doctor, Lectori benigno S. D.

AVDI dabatur Homericō Vlyſi per-
egrinatio ſua, vt & Platoni quod
auditum Pythagoræos in Græciam
magnā, poſtea Gymnoſophiſtas cog-
noſcendi deſiderio etiam in AEGYPTVM adna-
uigauerit. Me quoqꝫ, cū artis medicæ tyroci-
nia in Rhætia patria mea edidiſſem, exterarū
gentium inuiſendarum cupido inuaſit, vt con-
ſuetudine exercitatiſſimorum in arte medica
virorum ſolidiorem mihi compararem medē-
di peritiā. Ex patria itaqꝫ diſcedens in aulam
Cæſaream primū veni. Vbi me ſumma hu-
manitate complexus eſt ſapientiſſimus, & o-
mnium noſtræ ætatis medicorum Excellentif-
ſimus vir Ioannes Crato Wratiſlauienſis Cæ-
ſareus medicus & Archiater, cuius ſemeſtri
familiaritate uſus in Morauiam me recepi,
& in illius prouinciæ Archiatri Thomæ Ior-
dani medici celeberrimi amicitiam inſinuauī.
Atqꝫ eo quidem tempore lues hæc Brunæ graſſa-
batur. Eruditiſſimus autem hic vir, non ſolum
ægrorum curationi operam nauabat, verum-
etiam ortus, incrementa, & finem luis ſedulo
obſer-

EPISTOLA.

observans omnia agrorum accidentia diligenter inuestigabat, ac perpendebat denique quid quivis consilij sequutus, quæ quisq; remedia etiã ex media plebe cepisset, strenuè inquirere minime verebatur. De hoc itaque morbo summus hic Philosophus ac Medicus commentariolum conscripsit, & partim ne alios hæc labes latigaret, partim ut doctissimos quosq; viros hoc pacto stimularet, quò hac de re sententiam suam proferrent, promulgandum censuit. Ego verò operæ precium me facturum existimaui, si Indicem adderẽ, ut si cui libellus (licet mole exiguus, attamen novitate materiæ gratus, ac imprimis utilis) inter legendum tedium pareret, illi hoc pacto præcipua saltem capita ob oculos ponerentur.

Deniq; cum eiusdem Eruditissimi viri scripta pervoluerem, fortè fortuna incidi in amplissimi ac in unoquoque genere scientiarum doctissimi viri D. Andrea Dudithij epistolã, quæ iudicium ipsius de hoc libello continebat. Eam mihi cum descripsissem, huic opusculo annexendam censeui, ne tanti viri censura

te lateret. Vale & faue. Brunne quarto Cal. Iulij.

M. D. LXXIX.

S. P.
MACTE VIRTUTE MI
IORDANE ET FOR-
TIBVS AVSIS.

PERCVRRI commentarium
tuū de Brunnogallico (quid
enim prohibet nouo morbo
nouum nomen indere?) De-
inde etiam legi paulò accu-
ratius. Quid quæris? Ita me bene Deus
amet, nihil in hoc genere legi doctius, ni-
hil ad obscuram & planè abditam rei na-
turam e tenebris in lucem proferendam
accommodatius. Nihil non vides, nihil
non suis ponderibus examinas, nihil nō
excutis. Quàm docta in explicandis re-
bus omnibus, quàm suavis methodus,
quàm scitæ & necessariæ ægrotantium
historiæ. Causarum autem inuestigatio
potest ne esse profundior? Quid verò ex-
cogitari potest firmitus rationib. ijs, quas
ad tuendam sententiam tuam adhibes?
Nihil vanum, nihil futile, nihil peruulga-
tum. Contrarias verò quæ pugnare in
speciem videntur rationes facilè euertis.
Idem mihi sanè euenisse sensi, quod opt.
& doctissimus ille cōmunis noster ami-
cus

E P I S T O L A.

Tunc Iulius Alexandrinus sibi vſu veniſſe
 in legendo ſcribit. Nullas dubitationis
 fibras in animis legentium relinquis, ſed
 ſtirpitus euellis. Breuiter vbique dele-
 ctas, doces, iuuas. Descriptio autē illa ci-
 uitatis iſtius veſtræ, quā iucunda lectu
 eſt? Equidem non dubito fore in longin-
 quis nationibus complures, qui cū ea
 gent, tam pulchræ, tam amœnæ, tam ſa-
 lubris viſendæ vrbiſ ſtudio inflammen-
 tur. Mihi quidem faces admouiſti, et ſi
 iam pridem tuæ inprimis conſuetudinis
 deſiderio planè æſtuo, ac ſanctè tibi affir-
 mo, niſi mea tempora, & non ſatis expli-
 catæ rationes obſtarent, nuſquam liben-
 tius quā tecum, quod ſuper eſt ætatis,
 tranſigerem. Verū aliò me fata mea
 vocant, quæ vtinam non ſint iniqua. Si
 tu in illis locis eſſes, in quæ ego commi-
 grare conſtitui, nihil amplius require-
 rem. Cauſas non explico, ne aſſentari ti-
 bi videar, a quo vitio, & natura, & con-
 ſuetudine quam longiſſimè ſemper ab-
 fui. Redeo ad librum tuum aureum. Pla-
 cet D. Iulio inſcribas, quemadmodum
 initio conſtitueras. Nam quod vis me N.
 ἡγετοῦ ἐμῖ, quis ego ſum, obſecro, qui tan-

E P I S T O L A.

tam rem aggredi debeam? Aiste nescio
quid inaudiuisse de præfatione quadam
mea in alium quendam libellum. Ita est,
sed similes habent labra lactucas. Tua
maiore religione, & gravitate tractanda
essent. Suadeo, & rogo, ut primo quoque
tempore ad Wechelum, siue quem ali-
um typographum mittatur hæc
tam bellæ, tam reconditæ
doctrinæ referta com-
mentatio tua, &c.

*Pag. 35. exemplaris vitio commissa men-
da sic corrige. Pro Indici ff. v. scribe, Indici
ff. ff. Loco § v. § xv. § xv. ubiq; lege § ff.
§ j ff. § j ff. Pag. 92. vers. 2. pro videtur, l.
videlicet.*

Abscef-

I N D E X.

A bscessus quales fuerint	Ars in agentibus natura-
pag. 12. 13. 14. 15	liter non superat na-
A ccidentia luis Brun-	turam 69
nensis 6	A rsicua & Arsicina Pto-
A dammus balneator corā	lemeo 1
senatu accusatus 17	B alneator Euansicien-
E dificio balnei contagii	sis, quib. remediis ad-
causa nō tribuenda 66	uersus contagium hoc
A garicus cur prepare-	usus sit 35
tur 61	B alnei structura luis hu-
A gens alteri non impertit	ius causam non tribu-
qualitatem, qua ipsum	endam 66
destituitur 80	B runnaetymon 1. situs
A lexander Petronius Ro	ibid.
manus medicus insignis	B runnensis fluvii Niger,
64	& Sunittanus 5
A lopecia in hac lue non	B runnensis ager feracif-
est visa 92	simus ibid.
A lopecia unde ibid.	B runnensium hominum
A ndernacus de turpeto	mores & victus ratio 6
scripsit 60	B ulle lotio innatantes hy-
A ngelicae extractum 41	drargyro obducta 64
A nna Seplasiarii cōiunx	B ubones hac lue infectis
lue correpta, quibus ac-	nulli fuerunt 92
cidentib. infestata, qui-	C atabaptistarū reme-
bis remediis usa 33.	dia contra contagi-
usq. ad 40	um 27
A ntidotus cutaneis affe-	C ausa Brunnensis conta-
ctib. curādis prestās 35	gii quae 82. 84. 86. 94
A qua contagii Brunn-	C hirurgorum imperitia
sis causam non tribuen-	subsidia porrexit luis in-
dam 72	cremento 90

I N D E X.

Colica affectio quo pacto	requirantur	79.80
in Italia grassari coepe-	Cucurbitula cur putre-	
rit	51 dinis basis	88.89
Colica passione recens in	Cucurbitulam contagi	
lucem editos infantes	causam non fuisse	73.
affligi	52 74	
Colicam passionem para-	Cucurbitis subiectorum	
lysis sequuta.	ibid. locorum unus, vel duo.	
Colici dolores ex turpeti	tantum ex pluribus ex-	
mineralis vsu	41 ulcerata sunt	13
Cometa visus	98 DEcoctum quo vsus au-	
Cometa principibus in-	tor aduersus luem	
fausta portendit, adhu-	47	
milia verò se non di-	Discrimen inter luem	
mittit	101 Brunnensem & Indi-	
Contagium arte non ex-	cam	57.58
citatur	69 Dolores Colici ex vsu	
Contagium non a forna-	turpeti mineralis	41
ce profectum, ibidem.	ELephantiasis luem se-	
non a silicibus, ibid.	cuta	45
non a vaporibus	71. Emplastrum Gryseum	
non ab aqua	72. 22	
non a cucurbitula	73. Erasius medicus	54
74.75. non a phle-	Exercitatione crebra &	
botomo specillo	75.76. valida ab hac lue cura-	
non a pinguedine, qua	tus quidam	65
stigmata illinuntur	FLuuius Niger, & Su-	
77	uittanus	5
Cotagii causa balnei stru-	Fomenta contagionis	
ctura non tribuenda	93	
66	Fornax contagii causa	
Contagii generationi qua	non fuit	69
	Gar-	

I N D E X.

- | | |
|---|--|
| <p>G Argarismata Teng-
lerique & qualia 39
Gonorrhœa nemine hac
lue correptum afflixit
57.92
Guilielmus de Lippa pa-
ralysi liberatus 52
H Erba Britannica 51
Humores criticè e co-
lo in nervos transmitti
54
Hydrargyrũ lotio inna-
tans 64
Hydrargyrum pelvis pa-
rietibus adherere vi-
sum 44
Hyoscyamus peregrinus
Tabacca foemina di-
ctus 24
I Gnis immodica siccita-
te putredini resistit 70
Indica luis cantela praci-
pua 78
Indica luis focus iecur 62
Indeus Elephantiasicor-
reptus 86
Indeus quidam lue extin-
ctus 45.86
K Odroffskius eques Po-
lonus validis exerci-
tius a contagio liberatus
65</p> | <p>L Aconicum quid 25
Lues Brunnensis in qui-
bus ab Indica differat
56.57.58
Lues Brunnensis Indici
morbi remedijs curata
58.59
Luis accidentia 12
Luis Brunnensis semina-
ria a balneo profecta
12
Luis incremento Chirur-
gorũ imperitia subsidia
porrexit 90
Luis principia unde ex
autoris sententia 82.
vsq; ad 88
Lue Indica quæ mem-
bra primò polluantur
57
M Alignitas non semper
copia, sed agendi ve-
hementia & promptitu-
dine aestimatur 92
Mentagra 51.56
Mercurius a praci-
tato reniniscit 63.64
Mithridatum ab au-
thore exhibitum infe-
ctis profuit 29
Morania veterib. Mar-
comannia dicta 1</p> |
|---|--|

I N D E X.

<i>Moravia piscinis abun-</i>	<i>Phlebotomum specillum</i>
<i>dat</i>	6
<i>Morbus Brunnenfis ex</i>	<i>contagii diffeminandi in-</i>
<i>cōcubitu propagatus nō</i>	<i>strumentum non fuisse</i>
<i>est</i>	75.76
<i>Morbus hic nouus qua</i>	<i>Pillula Barbarosa a Ron</i>
<i>in re conueniat, & in</i>	<i>deletio celebrata</i>
<i>quibus diffentiat a lue</i>	60
<i>Indica</i>	<i>Pillula quibus autor ad-</i>
56.57.58	<i>uersus luem vsus est</i>
<i>Morbus ibi est, ubi do-</i>	47
<i>lor, calor, frigus, sudor,</i>	<i>Pinguedini, qua stigma-</i>
<i>&c.</i>	<i>ta illinuntur, causa con-</i>
89	<i>tagii non tribuenda</i>
<i>Morbos novos prioris no-</i>	77
<i>dat</i>	<i>Piscinis Moravia abun-</i>
<i>incognitos extitisse</i>	6
50	<i>Principibus cometa mi-</i>
<i>Nephritides turbith mi-</i>	<i>natur, ad inferiora se nō</i>
<i>neralis vsum subsecu-</i>	<i>dimittit</i>
<i>ta, & alia multa mala</i>	101
32.40.41	<i>Pruna Brunnenfis pala-</i>
<i>Opinio eorum qui exi-</i>	<i>togratiſſima, & aluo ci-</i>
<i>stimarunt luem hāc</i>	<i>ende accommodatiſſi-</i>
<i>ecrinita stella, vel a di-</i>	<i>ma 4. Eadem My-</i>
<i>uerſo aſtrorū poſitu ori-</i>	<i>xariis comparantur</i>
<i>ginem traxiſſe</i>	5
98.99	<i>Puſtulae quales lue infe-</i>
<i>Opinionis eiufdem confu-</i>	<i>ctos inuāferint</i>
<i>tatio</i>	13.14
101	<i>Putredo animantis ac-</i>
<i>Oſſium caries ab Hydrar</i>	<i>cidens</i>
<i>gyro oritur</i>	81
63	<i>Putredo quo pacto a cu-</i>
<i>Paulus Bursarius lue</i>	<i>curbita veſtigio in totū</i>
<i>correptus miſere ex-</i>	<i>corpus tranſmiſſa</i>
<i>pirauit</i>	97
43	<i>Putredinis baſis ubi inſi-</i>
<i>Pellio Zahrdonicēſis ſuf-</i>	<i>xa</i>
<i>focatus</i>	83
59	<i>Veſtio pulcherrima,</i>
	<i>cur ſcilicet cucur-</i>
	<i>bitula</i>

INDEX.

bitula putredinis basis	seminarunt	69
fuerit	103.104	Spilmburg arx Mora-
Quæstio alia cur solis cal	nie	1
pro vulnerati, & cucur	Stomacace & Sceletyrbe	
bitula vfi, labe infecti	51. & 56	
sint	50. 51. 52	Structura balnei conta-
Quercetanus turbith mi	gii causa non tribuenda	
neralis cōfectionem de-	66	
scribit	60	Sudor Anglicus 54. &
R Ecidina causa	39 56	
Remedia aduersus pu	Sudorificum cōtra luem	
stulas	48 48	
Remedia balneatoris E-	Suspicio falsa eorum qui	
uanficiens	46 existimant, Balneato-	
Remedia Catabaptistarū	rem Indico morbo labo-	
aduersus luem Brun-	rasse, & inde ortum esse	
nensem	27 contagium 77	
Remedia quibus author	Symptomata luis Brun-	
lue infectos curauit	38. nensis 12. 13. 14. 15	
& 47	T Abacca succus vene-	
S Cheittermanni vxor cō	nata vlceraper sanat	
tagio infecta	41. quæ 64	
& qualiapassa sit	42. Tabacca qualitates 91	
43	T englerus aduersus hanc	
Semina cōtagii initio te-	luem multa frustra ex-	
nuia fuisse	96 peritur remedia 22. 28	
Semina luis a balneo pro	qualia illa fuerint. ibid.	
fecta	12 Therma Viennenses 84	
Seminaria contagii hu-	Thomas Brenner cū con-	
miditatem deposcūt	70 inge morbo correptus	
Senapreparata	47 44	
Silices contagium nō dif-	Toxicum e napello 76	

I N D E X.

Tractatus ordo	50	runt	24
Turbith minerale	30.	Veneniscopus interit ^o	68
illius incommoda	31.	Venena e diametro cor	
	39.61.62	oppugnant	69
Turpetum minerale assu		Venenata vlcera subli-	
medimodus	60. & 61	mati usu persanantur	
Vapor distributioni co-			64.
tagis opem tulit	71	Veratri preparatio in	
Vapores in Balneo excita		quem finē instituta	61
tos contagium commu-		Virus ut a multis facile	
nicare non potuisse, ibid.		comprehensum fuit, ita	
Vencesilans Rausch lue		etiam ab aliquibus dif-	
infectus 23. quæ ipsum		flari & dissipari potuit	
symptomata infestane-			97.

F I N I S.



